



№ 07
2020-yil, 21-yanvar
Seshanba (32.601)

O'zbekiston O'VOZI

Ijtimoiy-siyosiy gazeta

1918-yil 21-iyundan chiqqan boshlagan

Улуғлардан улуғимсан, Ватаним!

«Янги
Ўзбекистон –
янги сайловлар
– янги
парламент»

ЎЗБЕКИСТОН РЕСПУБЛИКАСИ ПРЕЗИДЕНТИ ШАВКАТ МИРЗИЁЕВНИНГ ОЛИЙ МАЖЛИС ҚОНУНЧИЛИК ПАЛАТАСИ БИРИНЧИ ЙИГИЛИШИДАГИ НУТҚИ

Ассалому алайкум, хурматли депутатлар! Қадри мажлис иштирокчилари! Аввало, сизларни халқимиз ишончига сазовор бўлиб, Олий Мажлис Қонунчилик палатаси депутати деган юксак мақомга эга бўлганингиз билан чин дилдан муборакбод этаман.

Парламент ва маҳаллий Кенгашларга ўтказилган сайловлар, Ўзбекистонимиз учун катта сиёсий имтиҳон бўлди. Халқимиз бу синовдан ёруғ юз билан ўтди, десак, муболага бўлмайди.

Табиий савол тугилади, бу сайловларнинг асосий хусусиятлари аввало нималарда намоён бўлди?

Биринчидан, сайловлар халқимизнинг онгу тафаккури, сиёсий билими ва маданияти ўсиб, жамиятимизда демократик тамойиллар илдам қадамлар билан чуқур қарор топиб бораётганини яққол намоён этди. Ушбу сайловлар халқро талаб ва стандартларга тўлиқ жавоб берадиган янги Сайлов кодекси асосида, **“Янги Ўзбекистон – янги сайловлар”** шиори остида ўтгани бу борада муҳим аҳамиятга эга бўлди.

Бизнинг амалиётимизда биринчи марта сайлов жараёнларини бошқариш бўйича автоматлаштирилган тизим ва сайловчиларнинг ягона электрон рўйхати жорий этилди. Фуқароларнинг сайловда қатнашишига оид конституциявий ҳуқуқини таъминлаш мақсадида овозликдан маҳрум этилган, бироқ оғир ва ўта оғир жиноят содир этмаган маҳкумларга илк бор овоз бериш имконияти яратилди.

Энг муҳими, сайловлар очиқлик, ошқоралик ва ҳалоллик тамойили асосида ҳамда кескин курашлар остида ўтказилди. Уларнинг 70 мингдан зиёд маҳаллий кузатувчи ҳамда 10 та халқро ташкилот, 50 га яқин хорижий давлатнинг 825 нафар кузатувчиси, халқро ва мамлакатимиз оммавий ахборот воситаларининг 1 миң 155 нафар вакили кузатиб борди.

Хурматли йиғилиш қатнашчилари! Қизгин сиёсий курашлар остида ўтган сайловлар натижасида янги парламент кўйи палатаси депутатларининг таркиби шаклланди. Уларнинг 48 нафарини аёллар, 9 нафарини ёшлар ташкил этмоқда. Бу – ёш авлод ва хотин-қизларни қўллаб-қувватлаш бўйича олиб бораётган ислохотларимиз самараси, десак, аниқ ҳақиқатни айтган бўлаемиз.

Сизларнинг орангизда аввалги қаҳриқ парламентимизда самарали фаолият кўрсатган, халқ ўртасида танилган, сайловчилар яна бир бор ишонч билдириган тажрибали 39 нафар депутатимиз ҳам борлиги алоҳида аҳамиятга эга.

Фурсатдан фойдаланиб, Қонунчилик палатасининг аввалги таркибида иш олиб борган, мамлакатимиз тараққиёти учун муҳим қонунлар қабул қилишга ҳисса қўшган барча депутатларимизга миннатдорчилик билдириб, уларга сийҳат-саломатлик, янги муваффақиятлар тилашга ижозат бергайсиз.

Бугун ушбу залда ўтирган сиз, муҳтарам депутатларнинг айримларини шахсан танийман. Кўпчилигинингиз эса телевидение, оммавий ахборот воситаларидаги чиқишларингиз орқали яхши биламан. Сизлар парламентимиз ҳаётига албатта янги руҳ ва мазмун олиб кирасизлар, деб ишонаман.

Азиз дўстлар! Маълумки, бўлиб ўтган сайловда бешта партиядан кўрсатилган номзодлар соғлом сиёсий рақобат муҳитида кураш олиб борди.

Жонли телеэфирдаги дебатларда партиялар томонидан бошқа партиялар дастури жиддий таҳлил қилинди, очиқ танқидлар ҳам бўлди, долзарб масалалар бўйича қарама-қарши ёндашувлар илгари сурилди.

Узингиз айтинг, олдинги Парламент сайловларида мана шундай сиёсий жараённи – ютуқни ютуқ, камчилиқни камчилик деб очиқ айта оладиган муҳитни тасаввур қила олармики?

Айни вақтда, тан олиш керак, сайлов жараёнида партиялар томонидан чуқур асосланмаган айрим таклифлар ҳам билдирилди. Табиийки, улар фуқароларнинг ҳақли эътирозларига сабаб бўлди.

Депутатликка номзодларнинг жойларда сайловчилар билан бўлиб ўтган учрашувларида, оммавий ахборот воситаларида билдирилган, ижтимоий аҳамиятга эга фикр-мулоҳазалар, таклиф ва тавсиялар, кўтарилган савол ва муаммолар – буларнинг барчаси албатта эътиборга лойиқ. Улар парламент ва ҳукумат учун келгуси беш йиллик фаолият дастурига айланиши лозим.

Таъкидлаш кераки, бу сайловлар аҳолининг сиёсий фаоллигини юксалтириб, халқимизнинг партияларга нисбатан ишончи билан бирга, талабчанлигини ҳам кучайтирди. Бу, ўз навбатида, номзодлар савиясини ошириш ва сайловчилар билан тизимли иш олиб бориш бўйича партиялар олдида ечимини кутаётган бир қатор масалалар мавжудлигини кўрсатади.

Энг муҳими, партиялар ўртасидаги сиёсий рақобат сохта обрў эртиришга эмас, балки халқимиз манфаатларига хизмат қилиши зарур. Бу ҳақиқатни ҳеч қачон унутмаслигимиз лозим.

Маълумки, сайловдаги ташвиқотларида сиёсий партиялар томонидан жамиятимиздаги долзарб муаммоларни ҳал қилиш бўйича қўллаб-қувватлаш берилди. Халқимиз ана шу ваъдаларнинг амалда бажарилишини кутмоқда.

Ҳар бир депутат беш йил давомида ўз сўзининг устидан тўлиқ чиқиши, партиясининг обрўсини сақлаши учун бугундан бошлаб жиддий ҳаракат бошлаши керак. Сизлар алоҳида “Йул харитаси”ни тузиб, сайлов вақтида билдирган барча-барча ташаббусларингизни яхлит тизимга солиб, ишни пухта ташкил этсангиз, уйлайманки, бу халқимизга ва сайловчиларингизга жуда маъқул бўлади.

Энди **“Янги Ўзбекистон – янги сайловлар – янги парламент”** деган устувор гоя долзарб вазифа сифатида кун тартибига кўйилмоқда.

Сиёсий партияларнинг кўйи палатадаги фракциялари ўзларининг истиқбол режаларини аниқ белгилаб олади ва уларни тўлиқ амалга оширади, деб ишонаман.

Хурматли мажлис иштирокчилари!

Сайлов натижаларининг таҳлили сайлов кампанияси даврида айрим камчиликларга йўл қўйилганини ҳам кўрсатди. Масалан, Тошкент шаҳрида сайловчилар иштироки бошқа ҳудудларга нисбатан пастлиги кузатилди. Бу эса, кўпчилик йирик шаҳарлар аҳолисига хос тенденциядир. Айни вақтда мазкур ҳолат сиёсий партиялар сайловчилар билан етарли иш олиб бораётгани, уларнинг гоя ва дастурлари электротар ичига тўлиқ кириб бораётганидан ҳам далолат беради.

Афсуски, бир киши томонидан бир неча сайловчи ўрнига овоз беришга уриниш ҳолатлари оз бўлса ҳам учради. Сайловчиларнинг ягона электрон рўйхати тизими билан ишларда ҳам камчиликлар кўзга ташланди.

Машҳур давлат ва сиёсат арбоби Теодор Рузвельт айтганидек, **“Фақат ҳеч қандай иш қилмайдиган одамгина хато қилмаслиги мумкин. Хато қилишдан қўрқиш керак эмас, балки ана шу хатони такрорлашдан қўрқиш керак”**.

Шунинг учун янги сайланган депутатларимиз ҳозиргина зикр этилган муаммоларни атрофлича таҳлил қилиб, йўл қўйилган камчилик ва нуқсонларни бартараф этиш устида ҳозирдан бошлаб жиддий уйлашлари лозим. Бу, бир томондан, улар аъзо бўлган сиёсий партияларнинг фаолиятини кучайтиришга, иккинчи томондан эса, мамлакатимизда парламентаризм тизimini ривожлантиришга хизмат қилади.

Албатта, сайлов жараёнидаги ҳар бир қонунбузиш ҳолати бўйича ҳуқуқни муҳофаза қилиш органлари томонидан тегишли чоралар қўрилди ва қўрилади. Айни вақтда миллий сайлов тизимининг ташкилий-ҳуқуқий жиҳатдан янада такомиллаштириш бўйича ҳам зарур ишларни амалга оширишимиз керак.

Шу муносабат билан Марказий сайлов комиссиясининг сайлов жараёни билан боғлиқ муаммоларни ўрганиб, жорий йилда халқро экспертлар иштирокида форум ўтказиш ҳақидаги таклифини тўла қўллаб-қувватлаймиз. Шу билан бирга, парламент аъзолари ҳам бу жараёнда фаол қатнашиб, миллий сайлов тизимининг янада такомиллаштириш мақсадида маҳаллий ва хорижий экспертлар, халқро ташкилотлар билан ҳамкорликда ҳар йили мунтазам равишда турли форумлар ўтказиб бурса, уйлайманки, бундан ишимизга фақат фойда бўлади.

Халқро кузатувчилар томонидан билдирилган таклиф ва тавсиялар таҳлили ҳам сайлов комиссияси аъзолари ва сайловчиларнинг ҳуқуқий маданиятини ошириш лозимлигини кўрсатмоқда. Ана шундай таклиф ва тавсияларни инobatта олган ҳолда, **Аҳолининг электротар маданиятини юксалтириш концепциясини** ишлаб чиқиш зарур, деб ҳисоблайман. Шунингдек, хорижий кузатувчилар томонидан баён этилган сайловни молиялаштириш манбаларини кенгайтиришга доир тавсия бўйича парламент ўз муносабатини билдириши лозим.

Парламентга мавжуд камчиликларни бартараф этиш бўйича комиссия тузиб, халқро ташкилотлар билан ҳамкорлик қилишни тавсия этаман. Мазкур комиссия халқро ташкилотлар ва кузатувчиларнинг таклиф ва тавсияларини чуқур ўрганиб, миллий қонунчилигимиз ҳамда сайлов жараёнини такомиллаштириш бўйича аниқ вазифаларни ишлаб чиқиши лозим.

Вазирлар Маҳкамаси ва Марказий сайлов комиссиясига сайловчиларнинг ягона электрон рўйхати тизимининг самарали ишлаши учун зарур чораларни кўриш топширилади.

Фурсатдан фойдаланиб, сайловларда иштирок этган барча сайловчиларга, сайлов участкалари ва округлари аъзоларига, ноёб тизим – маҳаллалар фаолларига, эртанги кунга бефарқ бўлмаган фуқароларимизга, бутун халқимизга чин қалбимдан миннатдорчилик билдираман. Шунингдек, халқро кузатувчилар, маҳаллий ва хорижий журналистларга ҳам самимий ташаккур изҳор этаман.

Давоми 2-бетда ▶



ЎЗБЕКИСТОН РЕСПУБЛИКАСИ ОЛИЙ МАЖЛИСИ ҚОНУНЧИЛИК ПАЛАТАСИНING БИРИНЧИ МАЖЛИСИ ТЎҒРИСИДА АХБОРОТ

Тошкентда 20 январь кунини Ўзбекистон Республикаси Олий Мажлиси Қонунчилик палатасининг биринчи мажлиси бўлиб ўтди.



ЎЗБЕКИСТОН РЕСПУБЛИКАСИ ОЛИЙ МАЖЛИСИ СЕНАТИНИНГ БИРИНЧИ МАЖЛИСИ ТЎҒРИСИДА АХБОРОТ

Тошкент шаҳрида 20 январь кунини Ўзбекистон Республикаси Олий Мажлиси Сенатининг биринчи мажлиси бўлиб ўтди.

САМАРҚАНД ДАВЛАТ УНИВЕРСИТЕТИ ОЛИМЛАРИ халқро дастурларда муносиб иштирок этмоқда

ЭЪТИРОФ

Самарқанд давлат университети профессор-ўқитувчилари дунёнинг қатор нуфузли халқро фондлари томонидан эълон қилинган илмий лойиҳалар ва грантларда иштирок этишда мамлакатимиз олий таълим муассасалари орасида пешқадамликни қўлдан бермай келмоқдалар.

Мазкур статистик маълумотга эътиборингизни қаратмоқчимиз: Америка Қўшма Штатларининг Фулбрайт дастурида иштирок этганлардан 60 нафари Нобель мукофоти, 86 нафари Пуллитцер мукофоти соҳибларидир.

Сўнги йилларда Самарқанд давлат университетининг 8 нафар илмий ходими халқро Фулбрайт дастури грантларини қўлга кириштириб, АҚШнинг етакчи университетлари ва илмий тадқиқот марказларида илмий кузатишлар олиб борди. 2018-2019 йилларда

Фулбрайт дастурининг навбатдаги гранти соҳиби бўлиш биология фанлари номзоди Тошпўлот Ражабовга насиб этди. Қўлга киритилган ушбу грант доирасида Тошпўлот Ражабов Америка Қўшма Штатларининг Юта давлат университети табиий ресурслар факультетининг етакчи олимлари билан ҳамкорликда салкам бир йил мобайнида илмий изланишлар олиб борди. Илмий-тадқиқот ишларининг асосий йўналиши республикамиз яйлов майдонларида содир бўлаётган қўлланчи ва ўсимликлар қопламнинг инқирозга

учраш жараёнларини замонавий усуллар ёрдамида ўрганишга қаратилди.

Ушбу лойиҳани амалга ошириш доирасида Тошпўлот Ражабов мамлакатимиз ҳудудидаги яйловлар, ўсимликлар қопламнинг ҳозирги ҳолатини замонавий космосуратлар ёрдамида баҳолашнинг интеграллашган усулларини ишлаб чиқиш бўйича илмий тадқиқот ишлари олиб борди. Мазкур изланишларнинг натижалари халқро нуфузли илмий журналларда нашр этилди.


Юта давлат университети раҳбарияти ва олимлари билан олиб борилган қатор музокаралар натижасида Самарқанд давлат университети ва Юта давлат университети ўртасида “Яйлов экологияси” магистратура мутахассислиги бўйича икки томонлама диплом берувчи қўшма дастур имзоланди.

Ушбу қўшма дастур доирасида

СамДУ талабалари магистратуранинг иккинчи йилини Юта давлат университетида давом эттирадиганлар ва ўқишни муваффақиятли тугатгандан сўнг иккита давлатнинг иккита университети дипломига эга замонавий мутахассис бўладилар.

Юта ва Самарқанд давлат университетлари ҳамкорлигидаги қўшма дастурни самарали ташкил этиш ва амалга ошириш мақсадида 2019 йилнинг сентябрь-октябрь ойларида Юта давлат университетида 3 нафар профессор-ўқитувчи СамДУга таширф буюрди ва улар иштирокида 20 кун давомида яйлов экологияси соҳасига оид долзарб мавзуларда илмий семинар ҳамда амалий тренинглар ташкил этилди.

Бугунги кунда халқро Фулбрайт дастури доирасида эришилган келишувлар асосида Самарқанд ва



Юта давлат университетлари ўртасидаги алоқаларни янада мустаҳкамлаш, ҳамкорликда етуқ малакали мутахассис кадрлар тайёрлаш ҳамда ҳар иккала мамлакат учун ҳам долзарб муаммолар устида илмий тадқиқот ишларини янада кенгайтириш бўйича қатор ишлар амалга оширилмоқда.

Барчиной ХАМИДУЛЛАЕВА



Сайловга тайёргарлик кўриш ва уни ўтказишнинг барча босқичлари очиқлик, ошкоралик ва шаффофлик асосида ўтказилди.

ЎЗБЕКИСТОН РЕСПУБЛИКАСИ ОЛИЙ МАЖЛИСИ ҚОНУНЧИЛИК ПАЛАТАСИНING БИРИНЧИ МАЖЛИСИ ТЎҒРИСИДА АХБОРОТ

Тошкентда 20 январь куни Ўзбекистон Республикаси Олий Мажлиси Қонунчилик палатасининг биринчи мажлиси бўлиб ўтди.

Унда ҳукумат аъзолари, марказий идоралар раҳбарлари, маҳаллий ва хорижий оммавий ахборот воситалари вакиллари иштирок этди.

Мажлисни Марказий сайлов комиссияси раиси М.Абдусаломов очди.

Ўзбекистон Республикасининг Давлат мадҳияси янгради.

Мажлисида Ўзбекистон Республикаси Президенти Шавкат Мирзиёев иштирок этди ва нутқ сўзлади.

Биринчи мажлисининг Муваққат котибияти, Саноқ комиссияси ҳамда Овозларни ҳисоблаш электрон тизимидан фойдаланишни назорат қилувчи муваққат гуруҳ сайлаб олинди ва кун тартиби тасдиқланди. Марказий сайлов комиссияси раиси Қонунчилик палатасига бўлиб ўтган сайлов якунлари тўғрисида ахборот берди.

Маълумки, мамлакатимизда 2019 йил 22 декабрь куни парламент сайловлари бўлиб ўтди. Сайловлар қонун талаблари асосида, халқаро сайлов стандартларига мос равишда, юксак уюшқоқлик билан, сиёсий партияларнинг реал рақобат шароитида ўтказилди. Бу гапни сайловлар "Янги Ўзбекистон – янги сайловлар" шиори остида, янги Сайлов кодекси асосида ташкил этилди.

Сайлов кодексига сайлов жараёни иштирокчилари, яъни сайловчилар, сиёсий партиялар, сайлов комиссиялари, оммавий ахборот воситалари ҳамда қузатувчиларнинг ҳуқуқ ва қаролатлари кенгайтирилди. Замонавий ахборот технологияларини жорий этиш орқали сайлов жараёнини бошқариш тизими йўлга қўйилди. Сайловга тайёргарлик кўриш ва уни ўтказишнинг барча босқичлари очиқлик, ошкоралик ва шаффофлик асосида ўтказилди.

Сайловда бевосита иштирок этган

нуфузли халқаро ташкилотлар ҳамда 50 га яқин давлатдан келган 825 нафар халқаро қузатувчи, 1 минг 155 нафар маҳаллий ва хорижий оммавий ахборот воситалари вакили сайловлар умумий тироф этилган халқаро стандартларга мувофиқ ўтганини қайд этди.

Умуман олганда, бўлиб ўтган сайлов демократик ҳуқуқий давлат ва кучли фуқаролик жамияти барпо этиш, ҳалқимизнинг турмуш даражасини янада юксалтириш, ўз олдимишга қўйган юксак мақсадларга эришиш йўлида юртдошларимиз ҳамжиҳатликда ҳаракат қилаётганини яна бир бор намоён қилди.

Ўзбекистон Республикаси Олий Мажлиси Қонунчилик палатасининг Регламентига мувофиқ, қуйи палата Спикерини сайлаш учун Сиёсий партиялар вакиллари кенгаши тузилди. Мазкур кенгаш тақлифига биноан, депутатлар яширин овоз бериш йўли билан Нурдинжон Исмоиловни Ўзбекистон Республикаси Олий Мажлиси Қонунчилик палатасининг Спикери этиб сайлади.

Шундан сўнг мажлиса раислик қилиш ваколати Спикерга ўтди. Нурдинжон Исмоилов мажлис котибиятига келиб тушган 5 та сиёсий партия фракцияси раҳбарлари томонидан фракциялар тузилгани тўғрисидаги таъсис баённомаларини ўқиб эшиттирди. Шунга асосан Қонунчилик палатасидаги сиёсий партиялар фракциялари рўйхатга олинди.

Депутатлар Қонунчилик палатаси Спикерининг янги таъсис этилган биринчи ўринбосари лавозимига депутат Акмал Саидовни, Спикернинг ўринбосарлари лавозимларига Тадбиркорлар ва ишбилармонлар ҳаракати – Ўзбекистон Либерал-демократик партияси фракцияси раҳбари Ақтам Ҳайитовни,

Ўзбекистон «Миллий тикланиш» демократик партияси фракцияси раҳбари Алишер Қодировни, Ўзбекистон «Адолат» социал-демократик партияси фракцияси раҳбари Наримон Умаровни, Ўзбекистон Халқ демократик партияси фракцияси раҳбари Улугбек Иноятовни ва Ўзбекистон Экологик партияси фракцияси раҳбари Борий Алихоновни сайладилар.

«Ўзбекистон Республикаси Олий Мажлиси Қонунчилик палатасининг Регламенти тўғрисида»ги қонун ҳамда сиёсий партиялар фракцияларининг қабул қилган яхлит (умумий) қарорига асосан қўмиталар раиси лавозимлари депутатларнинг қайси партияга мансублиги ҳамда сайловда партиялар эгаллаган ўрин ҳисобга олинган ҳолда аниқланади. Шу муносабат билан депутатлар томонидан Қонунчилик палатаси қўмиталари раислари лавозимларини сиёсий партиялар фракциялари ўртасида тақсимлаш тўғрисида қарор қабул қилинди.

Депутатлар парламент қуйи палатаси қўмиталарининг раисларини ҳам сайлади.

Шундан сўнг Ўзбекистон Республикаси Конституциясининг 98-моддасига мувофиқ, Ўзбекистон Республикаси Вазирлар Маҳкамаси янги сайланган Олий Мажлис олдида ўз ваколатларини зиммасидан соқит қилиш ҳақидаги мурожаати эътиборга олинди ва Ўзбекистон Республикаси Олий Мажлиси Қонунчилик палатасининг тегишли қарори қабул қилинди.

Шу билан Ўзбекистон Республикаси Олий Мажлиси Қонунчилик палатасининг биринчи мажлиси ўз ишини якунлади.

ЎЗА



ЎЗБЕКИСТОН РЕСПУБЛИКАСИ ОЛИЙ МАЖЛИСИ СЕНАТИНИНГ БИРИНЧИ МАЖЛИСИ ТЎҒРИСИДА АХБОРОТ

Тошкент шаҳрида 20 январь куни Ўзбекистон Республикаси Олий Мажлиси Сенатининг биринчи мажлиси бўлиб ўтди.

Унда Ўзбекистон Республикаси Президенти Шавкат Мирзиёев иштирок этди.

Мажлисида давлат ҳокимияти ва бошқаруви органлари раҳбарлари, мамлакатимиз ва чет эл оммавий ахборот воситалари вакиллари қатнашди.

Ўзбекистон Республикаси Сайлов кодексига мувофиқ, Марказий сайлов комиссияси раиси М.Абдусаломов мажлисини очди.

Ўзбекистон Республикаси Давлат мадҳияси янгради.

Мажлисида Олий Мажлис Сенатини шакллантириш очиқлик ва транспарентлик каби демократик тамойиллар асосида миллий сайлов қонунчилиги талабларига мувофиқ амалга оширилгани таъкидланди.

Қорақалпоғистон Республикаси Жўқорги Кенгеси, маҳаллий Кенгашлар депутатларининг Сенат аъзолари сайлови бўйича қўшма мажлисларида 84 нафар сенатор сайланди. Ўзбекистон Республикаси Президенти томонидан 13 нафар Сенат аъзоси тайинланди.

Сенатнинг янги таркиби фан, санъат, адабиёт, ишлаб чиқариш соҳасида, шунингдек, давлат ва жамият фаолиятининг бошқа тармоқларида катта амалий тажрибга эга бўлган ҳамда алоҳида хизмат кўрсатган энг обрўли фуқаролардан шакллантирилгани қайд этилди.

Мажлисида Ўзбекистон Республикаси Президенти Шавкат Мирзиёев нутқ сўзлади.

Давлатимиз раҳбари янги таркибдаги Сенат аъзоларини юксак номга сазовор бўлгани билан самимий табриқлади.

Президент мамлакатимиз парламентининг юқори палатаси олдида турган масалалар ҳақида сўз юритар экан, Сенат ўз фаолият режасини

худудий муаммолардан келиб чиқиб шакллантириши, маҳаллий Кенгашлар билан ҳамкорликни, улар фаолиятига амалий ва услубий қўмақ кўрсатиш борасидаги ишларни янада кучайтириши лозимлигини таъкидлади.

Давлат бюджети лойиҳасини кўриб чиқиш ва унинг ижроси устидан парламент назоратини амалга ошириш, вазирлик ва идоралар раҳбарлари, ҳокимларнинг юртимиздаги кенг қўламли ислохотларни татбиқ этиш бўйича ҳисоботларини мунтазам муҳокама қилиб бориш, ёшлар ва таълим масалалари сенаторларнинг доимий эътиборида бўлиши зарурлиги қайд этилди.

Шунингдек, Олий Мажлис юқори палатаси мамлакатимизда коррупцияга ва умуман жиноятчиликка қарши кескин курашиш муҳитини яратиш ҳамда ҳуқуқбузарликларнинг барвақт олдини олишда, давлат идораларининг жамиятда хотин-қизлар ролини ошириш борасидаги ишлари устидан назоратни кучайтиришда фаол бўлиши кераклиги таъкидланди. Ўзбекистоннинг обрў-эътиборини юксалтириш, халқаро алоқаларини ривожлантириш ва хорижий инвестицияларни жалб этиш ҳам Сенатнинг муҳим вазифаси бўлиб қолади.

Мажлис иштирокчилари Олий Мажлис юқори палатаси фаолиятини ташкил этиш билан боғлиқ масалаларни кўриб чиқди.

Ўзбекистон Республикаси Президенти Шавкат Мирзиёев мамлакат Конституциясининг 93-моддасига мувофиқ, Олий Мажлис Сенати Раиси ва унинг ўринбосарлари лавозимларига номзодларни тақдим қилди.

Юқори палата аъзолари яширин овоз бериш йўли билан Олий Мажлис Сенати Раиси лавозимига Танзила Норбоевани сайлади.

Сенат Раисининг биринчи ўринбосари лавозимига яширин овоз бериш йўли билан Содиқ Сафоев сайланди.

Ўзбекистон Республикаси Конституциясининг 86-моддасига мувофиқ Сенат Раисининг ўринбосарларидан бири Қорақалпоғистон Республикаси вакили бўлади. Ушбу нормага асосан Сенат Раисининг ўринбосари лавозимига яширин овоз бериш йўли билан Муса Ернаниязов сайланди.

Сенат Раисининг ўринбосари лавозимига яширин овоз бериш йўли билан Зайниддин Низомхўжаев сайланди.

Мажлисида сенаторлар томонидан халқаро муносабатлар, ташқи иқтисодий алоқалар, хорижий инвестициялар ва туризм масалалари, бюджет ва иқтисодий ислохотлар масалалари, суд-ҳуқуқ масалалари ва коррупцияга қарши курашиш, мудофаа ва хавфсизлик масалалари, фан, таълим ва соғлиқни сақлаш масалалари, хотин-қизлар ва гендер тенглик масалалари, ёшлар, маданият ва спорт масалалари, аграр, сув ҳўжалиги масалалари ва экология қўмиталари, шунингдек, Регламент ва одоб комиссияси ташкил этилди.

Ҳар бир қўмида ва комиссиянинг раиси, раис ўринбосари ва аъзолари сайланди.

Муҳокама этилган барча масалалар юзасидан Олий Мажлис Сенатининг тегишли қарорлари қабул қилинди.

Бош вазирнинг Вазирлар Маҳкамаси янги сайланган Олий Мажлис олдида ўз ваколатларини зиммасидан соқит қилиши тўғрисидаги аризаси ўқиб эшиттирилди ва тегишли қарор қабул қилинди.

Шу билан Ўзбекистон Республикаси Олий Мажлиси Сенатининг биринчи мажлиси ниҳоясига этди.

ЎЗА



ЎЗБЕКИСТОН ҲАРАКАТНИНГ ТЕНГ ҲУҚУҚЛИ АЪЗОСИ БЎЛДИ

WorldSkills International (WSI) дунё миқёсида ишчи касбларнинг обрўси, касбий тайёргарликнинг мавқеи ва стандартларини оширишга қаратилган халқаро нотижорат ҳаракатдир. Унинг асосий фаолияти ёшлар учун турли даражадаги касбий танловлар ташкил этиш ва ўтказилган иборат.

Ўзбекистон Республикаси Бандлик ва меҳнат муносабатлари вазирлигидан олинган маълумотларга кўра, 2019 йилнинг 17 январь куни мазкур нуфузли ҳаракатнинг директорлар кенгаши Ўзбекистоннинг унга аъзо бўлиш тўғрисидаги аризасини қўллаб-қувватлаган эди. Шу тариха мамлакатимиз WSI ташкилотининг 83-аъзоси бўлганди.

WorldSkills Uzbekistan Ишчи касбларни ривожлантириш ва оммалаштириш уюшмаси WSIнинг миллий оператори ҳисобланади. Мазкур уюшма Ўзбекистон

Республикаси Бандлик ва меҳнат муносабатлари вазирлиги ва қатор идоралар ҳамкорлигида таъсис этилган.

Ушбу ҳаракат фаолиятида иштирок этиш мамлакатимизга янги имкониятлар, хусусан, ёшлар бандлигини ошириш учун янги истиқболлар тақдим этади. Касбий малакаларни меҳнат бозоридаги талабларга мувофиқ ошириш, ёшларнинг ҳожиш-истак ва талабларидан келиб чиққан ҳолда уларни муносиб иш билан таъминлаш иқтисодий тараққиётнинг муҳим шартларидандир.

2019 йилнинг декабрь ойида Тошкентда 18 ёшдан 25 ёшгача бўлган ёш мутахассислар ўртасида ишчи касблар бўйича биринчи чемпионат бўлиб ўтган эди. Икки кун давомида иштирокчилар ўнға, хусусан, ошпазлик, сантехника, электр монтаж иши, мода технологиялари каби касбий малакалар бўйича баҳслашди.

Чемпионат банд бўлмаган аҳолига ёрдам кўрсатиш бўйича юртимизда янги очилган «Ишга марҳамат» мономарказининг пойтахтимизнинг Яшнобод туманида жойлашган базасида бўлиб ўтди. Унда Тошкент, Бухоро, Самарқанд, Шаҳрисабдан

ёш мутахассислар, Татаристон ва Қозоғистондан терма жамоалар, Нижний Новгород ва Москвадан ташриф буюрган иштирокчилар қатнашди.

Шунингдек, ўтган йилнинг куз ойларида Ўзбекистон Республикаси Бандлик ва меҳнат муносабатлари вазирлигининг матбуот хизмати Россиянинг Меҳнат ва бандлик бўйича федерал хизмати билан мамлакатимизда WorldSkills Russia ўқув марказини ташкил этиш тўғрисида келишиб олгани ҳамда юртимизда меҳнат мигрантларининг ваколатларини мустақил баҳолаш тизими йўлга қўйилгани ҳақида маълум қилган эди.

WSI ишчи касбларга эътиборни жалб этиш ва юқори профессионал стандартларни ривожлантириш учун шарт-шароитлар яратишни ўз вазифаси деб билади. Йилга икки мартаба дунё миқёсида WorldSkills ишчи касбларининг чемпионати бўлиб ўтади. Ҳозирги кунда мазкур йирик мусобақа «Ишчи қўллар олимпиадаси» деб ҳам аталади.

Роман БОНДАРЧУК,
ЎЗА мухбири.

ЁШ МАТЕМАТИКЛАРИМИЗНИНГ АВСТРАЛИЯДАГИ ҒАЛАБАСИ

Жорий йилнинг 17-20 январь кунлари Австралиянинг Голд-Кост шаҳрида Жануби-Шарқий Осиё математика олимпиадаси бўлиб ўтди.

Мазкур халқаро фан олимпиадаси Сингапур давлатининг Терри Чю институти томонидан ташкил этилган бўлиб, унда давлат ва нодавлат мактабларининг 1-11-синф ўқувчилари иштирок этди.

Олимпиадада 18 та давлатдан жами 1044 та иштирокчи қатнашди. SEAMO халқаро математика олимпиадасида юртимиз вакиллари ижобий натижаларни қайд этди.

Бухоро вилоятидаги Қорақўл халқаро математика мактабининг 10-синф ўқувчиси Бекзод Нуриддинов олтин медалга сазовор бўлди. Тошкент шаҳридаги Вестминстер халқаро мактабининг 6-синф ўқувчиси Ҳорун Салиев эса бронза медалини қўлга киритди.

Шунингдек, Хоразм вилоятининг Урганч шаҳридаги 10-мактабининг 8-синф ўқувчиси Шаҳзода Жумабоева, Тошкент шаҳридаги 91-мактабининг 10-синф ўқувчиси Темурубек Йўлчиев, Наманган вилояти Мингбулоқ туманидаги 45-мактабининг 6-синф ўқувчиси Санжарбек Ғулможонов математика



олимпиадасининг фахрий ёрликлари билан тақдирланди.

Н.УСМОНОВА,
ЎЗА мухбири.

«Болалар ёзувчиси болалар асари устида ишлаётганда, ўша асар тугагунча бола бўлиб туриши керак. Бўлмаса, бу асарни ҳеч ким ўқимайди»

ЯХШИЛАР ХОТИРАСИ

БОЛАЛАР ОЛАМИДАН КЕЛГАН ФАРИШТА

...Кундалигимни варақлаб кўрсам, Турсунбой Адашбоев билан 2017 йилнинг 28 февралда суҳбатлашган эканман. Ундан олдин жуда кўп кўнироқ қилиб, тушолмадим, кейин кишлоққа кетган бўлсалар керак, деган хаёлда бўлдим. 28 февраль куни ниҳоят, кўнироғим Турсунбой акага етиб борди – гўшакни кўтардилар.

– Қанча вақтдан буён кўнироқ қилиб, сизга тушолмаётган эдим, кишлоққа кетганимизга? Уйингизга бораё деса, таклифсиз қабул қилмайсиз, деб кўрқаман, – дедим.

– Тўғри қилибсиз, анчадан буён касал эдим, кишлоққа кетганим йўқ, – деди Турсунбой ака. – Келмаганимиз дуруст бўлди, одам кўп келаверса, мен касал ётганимдан бесаранжом бўламан, меҳмон келганидан хижолат тортади, шунинг учун ҳеч кимга айтганим йўқ...

– Ҳозир аҳволингиз яхшими, кўришга борсам бўладими?

– Ҳа, тузалиб қолдим, ҳозир яна озгина муолажа қолган, қачон келишингизни ўзим айтаман...

Арзимаган, ўзбекларда тумов дейди, бошқа биринчи гап дейди. Тумовнинг неча хил тури борлигини биласизми?

– Тумовнинг уч хил тури бор: енгил тумов, ўртоқ тумов, чатоқ тумов. Мен ана шу учинчисига йўлиққанман, олиб кетадими, девдим, йўқ, тузалдим чоғи, ҳозир яхшиман.

– Яхши бўлсангиз, телефонда бўлса ҳам икки оғиз гаплашсам бўладими?

– Нима масалада?

– Мана, 8-март келаяпти, хотин-қизларга қандай тилакларингиз бор, шунини ёзиб олмақчи эдим...

– Янганнинг исми Саломатхон эди, ўтанига 12 йил бўлаяпти. Лекин шу янгангиз бўлмаганида, мен бунчалик катта ютуқларга эришмасдим...

Турсунбой ака ўша йилларни хотирлаб, айтиб турди, мен ёзиб олдим. Кейин бу гаплар «Ўзбекистон овози» газетасининг 8 март – Хотин-қизлар байрамига бағишланган сонидан чоп этилди. Мана ўша, ин-тервью:

Турсунбой АДАШБОВ, болалар шоири:

— Мен баҳорни аёлга ўхшатаман. Унинг таровати, سخовати, беминнат неъматлари, юракка ҳарорат бахш этиши менга онамни эслатади. Наврўз гузаллигини умр йўлдошимнинг меҳрига, сабр-бардошига ўхшатаман.

Талабалик йилларида, икки фарзанд, икки қоп китоб билан ижарама-ижара юрган пайтларимда аёллим Саломатхон босмаҳонада, мен тахририятлардан бирида ишлардим. Менинг ойлик маошим юз сўм, Саломатхоннинг маоши 700 сўм эди. Мен кечалари билан мақолалар ёзардим, таржимонлик билан шугулланардим. Ушанда аёллимнинг қистови билан ишдан бўшаб, фақат ижод билан шугулланганман.

Ана шунинг натижаси ўлароқ, ўтган йиллар мобайнида 30 га яқин

китобим, яна шунчага яқин таржималарим чоп этилди. Рус, қозоқ, қирғиз, тожик ва латиш тилларига ўқилганларини қўшсак, умумий адади икки миллиондан ошади. 1990 йилдан 2013 йилгача 10 та китобим, 5 та таржима асарим ярим миллион нусхада босилди. Корней Чуковский, Самуил Маршак ва Жованни Рабонининг сайланмалари таржимаси икки-уч мартадан чоп этилди. Буларнинг ҳаммасида раҳматли умр йўлдошим Саломатхоннинг беқиёс хиссаси бор. Шунинг учун мен 8-мартни кутиб ўтирмасдим – илоҳи бўлса, ҳар куни кўнглини олишга ҳаракат қилардим. Барча ютуқларим учун ҳаётимнинг чароғони бўлган аёлимдан миннатдорман...

...Ўша куни Турсунбой ака билан анча суҳбатлашдик. У киши оталарининг ҳеч кими бўлмаганини, ўзи ҳам оилада яқка-ю ёлғиз фарзанд эканини, Саломат янга билан икки қиз, бир ўғил кўрганлини, саккизта чевараси борлигини, ўғли Муроджон кўп савобли ишлар қилаётганини гапириб берди. Турсунбой ака ижарама-ижара кўчиб юрган йиллари бир оила учун керак бўладиган совутич, газ плита сингари рўзгор буюмларининг деярли ҳаммасини кредитга олган экан. Ҳозир ўғли Муроджон уларни йиғиб, музей қилиб қўйибди.

– Ошиқ ўйнашда отамнинг олди-га тушадигани бўлмаган экан, – деб эслagan эди Турсунбой ака ўшанда. – Унинг доврўғи шунчалик бўлган эканки, таклиф этилган катта-катта давраларда ҳам ютмасдан қўймас экан. Лекин вақти келиб, бир кунда ўйинни бас қилибди, ошиқларини бир хумчага солиб, уйнинг пахса девори ичига кўйибди. Бундан менинг хабарим йўқ, таржима китобларимдан тушган, йиғиб қўйган пулларни жамлаб, уйни қайтадан қурмоқчи бўлдим. Ишга киришган эдим, йўлдан ўтиб кетаётган отамнинг оғайни-ларидан бири мени кўриб: «Деворини эҳтиёт қилиб буз, унинг орасига хумча кўйилган, қайтаётганимда ўзим топиб бераман», – деди. Мен ҳайрон бўлдим. Отам ошиқ ўйинидан ютган хумча бойликларини хумчага босиб, девор орасига яширган экан-да, деган хаёлда бордим. Отамнинг дўсти бир шериги билан қайтиб келганидан кейин менга уйнинг икки меҳроб би орасини бузди. Қай қўз билан кўрайки, пахса ичидан сопол куза чиқди! Менинг хаёлим бошқа ёққа кетиб қолди, отамнинг дўсти эса бамайлихотир хумчани олди-да, ичидасини ерга ағдарди. Хумчадан турли хил рангларга бўялган, ичига кўрғошн қуйилган 12 та ошиқ чиқди!

– Мана, отамнинг хумча бойлиги, – деди у фахр билан. – Отанг марди майдон одам эди, қимордан ютган пулларини уйга олиб келмасди, бева-бечораларга тарқатарди. Сен тутилганидан кейин ўйинни йиғиштирди, ошиқларни хумчага солиб, шу жойга бирга кўмганмиз. – Кейин отамнинг дўсти шериги билан ошиқларни тўрттадан бўлиб олди, менга ҳам тўрттаси теги. Ҳалигача



шунинг асраб олиб юраман...

Турсунбой ака бирпас жим қолди. Кейин қўшиб қўйди. – Уйни қайтадан қуриб битказдим, кам-кўстларини тузатдим. Лекин ҳалигача ўйлаб қоламан: отам шу ошиқлар ўрнига ўйиндан топган бойлигини йиғиб-тўғиб, қолдириб кетиши мумкинмиди? Мени ҳалол лўкма билан боққан, тўғриси, ростгўйликка ўргатган отам бошқача йўл тутиши мумкин эмаслигини ана шунда тушуниб етганман. Шунинг учун бу ошиқлар менга барча хазиналардан ҳам қимматлироқ...

Турсунбой аканинг болалар учун ёзган шеърларини, шоирларнинг шеърларига ёзилган бешафқат пародияларини яхши кўрадим. Баъзан яхшигина таклид ҳам қилардим. Лекин ўзи билан кўришмаган, яқинига йўламаган эдим. Болалар учун ёзган шеърларимни бирорта устоз шoirга кўрсатмаганман, тўғриси, бирорта катта ёшдаги болалар шоирининг эътидидан тутмаганман. Лекин редакцияма-редакция катнаб, ҳаммасига шеър олиб борардим, қанча «Гўнча» журнаliga борсам, шоир Рауф Толиб бирдай ўтирарди, шеърларимни олиб қоларди, ундан «Гулхан»га ўтардим, кейин «Ленин учкуни» ва ҳоказо... 1982 йилда «Еш гвардия» нашриётига кўлэзма топширдим, 1987 йилда Ўзбекистон халқ шоири Нормурод Нарзуллаев муҳаррирлигида иккита ҳамкишлоқнинг 15 та шеъри билан қўшилиб, «Юлдузлар чакнаган тун» номли китобим босилиб чиқди. 1991 йилда «Юлдузча» нашриётида Ҳамза Имонбердиев муҳаррирлигида Уроқ Саидов шеърлари билан қўшилиб «Баҳор рақси» номли китобим чоп этилди.

2003 йилда Самарқандда ишлаб юрган пайтларда Турсунбой Адашбоевнинг «Ўзбекистон адабиёти ва санъати» газетасида менга каттагина «Ошиқ хат»и эълон қилинди. Хат «Нурulloх, газетачиликка кўп меҳр берма, нимага ижод қилмайсан?» деган

мазмунда эди. Кейин Турсунбой ака менинг телефон рақамимни қиллардан қилиб, уйга кўнироқ қилди. Бир дарсликка ўқувчилар учун Мирзо Улўббек ҳақида шеър керак бўлганини, шунини ёзишга мени тавсия қилганини айтиб, қанча вақтда ёзиб беришим мумкинлигини сўради. Мен бир соат вақт сўрадим, лекин шаҳарлараро сўзлашув имкони йўқлигини билдирдим. Турсунбой аканинг ўзи менга телефон қилиб турди, бир соат дегаанда, телефон орқали шеърни ёзиб олди... Мен ҳеч юм билмайдиган, танимайдиган, лекин шоирчиликка даъвогарлик қилаётган бир гўр ва ношуд шoirид сифатида улўғ бир шоирнинг бунчалик рағбатлиги ва эътиборидан, тўғриси, жуда уялдим...

Бу ҳали ҳаммаси эмас. Турсунбой ака 2007-2008 йилларда «Шарқ» нашриётидан менинг «Тонга пешвоз чиқайлик» номли шеър йўналишимни беш минг нусхада, «Қўрқмас улўқча» номли иккинчи шеър йўналишимни ўн минг нусхада чоп эттирди... Демокчанки, устоздан хамиша меҳр кўрганман ва хамиша унинг руҳи оддида таъзимдаман.

Турсунбой ака болалик оламидан келиб қолган фариштага ҳўшарди. Содда, самимий, кўнгличан, таъсирчан, чехрасидан поклик, мусаффолик уфуриб турарди. Лекин шу билан бирга, ижод бобида ўзига ҳам, бошқаларга ҳам жуда бешафқат эди. Вилоятлардан истеъдодли ижодкорни илғаб қолса бас, уларнинг шеърларини кўтариб, ўзи редакцияларга борарди, китобларини чиқартирарди. Айниқса, болалар шеърини атрофида гоҳ ўзини у ёққа, гоҳ бу ёққа уриб юрганларни ёқтирмасди, уларга юзинг-бетинг демасдан, кўнглидаги гапни шартта айтиб қўяколарди.

Абдураҳмон Акбар, Ҳамза Имонбердиев, Худойберди Комилов, Кавсар Турдиева, Маъмур Қаҳҳор, Дилшод Ражаб, Қўзи Исмоил, Эрпулат Бахт каби жуда кўплаб пишиқ-пухта ёзидиган ижодкорлар

Турсунбой аканинг назм устахонасида тобланиб, сайқалланиб етишиб чиққан болалар шоирлари ва устоз улар билан чинакамига фахрланарди.

«Болалар ёзувчиси болалар асари устида ишлаётганда, ўша асар тугагунча бола бўлиб туриши керак. Бўлмаса, бу асарни ҳеч ким ўқимайди», деган экан Саид Аҳмад. Худойберди Тўхтабоев: «Болалар дунёсига кириш учун бола каби осмонга сакраб қувонишу ҳовлиқиб йиғлаш ва ҳатто аразлашни ҳам билишингиз керак. Шу хусусиятларини ўзингизда сақлаб қолсангиз, ёзганингизни бола ўқийди, бўлмаса йўқ», деб ёзди. Анвар Обиджон: «Рўҳиятимда бола табиати сақланган бўлса кераки, улар учун ижод қиламан», дейди. Буларнинг ҳаммаси тўғри.

– Болалар дунёсига кириш – болага айланиш бозор айланиш, дегани гап эмас. Болалар шоири бўлиш синов ҳам эмас, балки ўша беғуборлик оламида қолган, ёлгон гапиришнинг элломлайдиган ва айтилган гапга алданиб қолаверадиган ижодкорга берилган захмат. Уни кўтарган-кўтарди, кўтаролмагани ҳар усулга йўргалаб, аросатда юравереди, – дер эди Турсунбой ака.

Турсунбой Адашбоев инсонни ҳайратлантирадиган даражадаги тасаввурларини табиат ва наботот олами уйғунлигида тасвирлайдиган, жанр ва мавзу жиҳатидан ранг-баранг, ўзига хос шеърлари билан болаларни фикрлашга, таққослашга, хулоса чиқаришга, гузаллиқни англаш даражасигача юксалтирадиган буюк мутафаккир, камтарин донишманд эди. Унинг ўлмас асарлари болаларни шодлантириб, тўлқинлантириб, тарбиялаб шоирнинг иккинчи умрини боқийликкача юксалтирди.

Нурulloх ДОСТОН, «Ўзбекистон овози» мухбири.

ТАДБИР

Муҳаммад ал-Хоразмий номидаги ихтисослаштирилган мактабда Ахборот технологиялари ва коммуникацияларини ривожлантириш вазирлиги Шўхрат Содиқов билан учрашув ўтказилди. Унда профессор-ўқитувчилар, ёшлар ҳамда оммавий ахборот воситалари вакиллари иштирок этди. Шунингдек, видеомулоқот шаклидаги тадбирни вазирликнинг ҳудудий тизимидаги ёшлар ҳам кузатиб борди. Учрашув соҳада амалга оширилган ишлар акс этган видеоролик намойиши билан бошланди.

АХБОРОТ ЗАМОНИ — ЁШЛАР ЗАМОНИ

Ахборот технологиялари ва коммуникацияларини ривожлантириш вазирлиги ёшлар билан учрашди

Ошиқ мулоқот шаклида ташкил этилган учрашувда вазир кейинги йилларда мамлакатимизда амалга оширилаётган ёшларга оид давлат сиёсати навиқор авлодни ҳар томонлама баркамол этиб воғга етказишга хизмат қилаётгани ҳамда Президентимиз ташаббуси билан мамлакатимизда ёшларнинг ўз иқтидор ва салоҳиятларини юзага чиқаришлари учун кенг имкониятлар яратиб берилаётгани, улар ҳар жиҳатдан қўллаб-қувватланаётганини алоҳида таъкидлади.

– Сизлар бизнинг эртанги келажагимиз, янада оқиб турмушимиз бунёдкорисиз, – деди Шўхрат Содиқов. – Бундай шарафли ва айни пайтда масъулиятли ишни фақат жисмонан соғлом, маънан етук, чуқур билим ва юксак салоҳиятли ўғил-қизлар бекумулуст амалга ошириши мумкин. Шу боис бугунги шиддаткор даврда сизларга қаратилаётган эътибордан самарали фойдаланиб, эртанги фаровон келажагинизни белгилаб олишингизни истаймиз.

Бугунги кунда Муҳаммад ал-Хоразмий номидаги Тошкент ахборот технологиялари университети ва унинг 5 филиали ҳамда Тошкент шаҳридаги Инха ва Амита номидаги ихтисослаштирилган мактабларда нафақат энг замонавий технологиялар балки, хориқлик мутахассислар ҳам жалб қилинган. Ушбу муассасаларда ёшларга муносиб таълим бериш учун 57 нафар хориқлик етакчи профессор-ўқитувчилар жалб қилинган.


Бугунги кунда вазирлик тизимида фаолият кўрсатётган ходимларнинг 30 фоизи ёшлардир. Эътиборли жиҳати, бу кўрсаткич республикамиздаги 45 вазирлик ва ташкилот ўртасида жамоада кўпроқ ёшлар ишлаётган биринчи ўнликка кириди. Шу боисдан ҳам қисқа муддатда Ахборот технологиялари ва коммуникацияларини ривожлантириш вазирлиги тизимида ёшлар билан ишлаш сиёсатининг мутлақо янги тизимини жорий этимиз. Қолаверса, уларни иқтисодий, молиявий қўллаб-қувватлаш мақсадида шартнома-контракт кредитига қаршилик бериш, уй-жой билан таъминлаш, автоташна ва истеъмол кредитларини олишда амалий ёрдам кўрсатиш, ташаббусларини молиялаштириш ва ютуқларини рағбатлантириш ишларини қўриб чиқамиз.

Бундан ташқари, талабалар алмашинув дастури доирасида ўтган йилда тизимдаги олий таълим муассасалари томонидан жами 128 нафар ёш Жанубий Корея, Италия, Амита университетининг Бирлашган Араб Амириклари ва Ҳиндистон компюси-га бакалавр, магистратура ҳамда докторантурада ўқишга юборилган. Шунингдек, вазирлик томонидан камиди беш йил иш стажига эга бўлган соҳа ходимларидан 100 нафарига олий таълим муассасаларига суҳбат асосида табақалаштирилган тўлов-контракт асосида сиртки ва кечки таълим шаклида 2019/2020 ўқув йилида ўқишга қабул қилиниши учун тавсиянома ҳам берилган.

Ошиқ-ошкора, мулоқот тарзида ўтган учрашувда ёшлар эришаётган ютуқлари, ўзларини қийнаётган турли муаммо ва масалалар юзасидан эркин фикр билдирди.

Вазирлик тизимидаги таълим муассасаларининг иқтидорли, ўқиш жараёнларида юқори кўрсаткичларни қўлга киритган талаба ва ўқувчиларини рағбатлантириш мақсадида вазирлик стипендияси ташкил этилган. Учрашув муносабати билан талаба ва ўқувчиларга ҳамда тизимдаги фаол ёш қадрларга эсдалик соғва ва сертификатлар топширилди.

Тоштемир ХУДОЙҚУЛОВ, «Ўзбекистон овози» мухбири.



Самарқанд вилоятининг Пайариқ туманида тадбиркорликка алоҳида аҳамият берилмоқда. «Ҳар бир оила тадбиркор» шиори остида уларга ер ва кредитлар ажратилмоқда.

Мустақиллик маҳалла фуқаролар йиғини ҳудудида яшовчи тадбиркор Рустам Мамасолиев ўз фаолияти билан бошқаларга ўрнак бўлмоқда. У дастлаб маҳалла аҳолисига қулайлик яратиш учун тегирмон қурди, кейин нон ишлаб чиқариш цехини ишга тушурди. Маҳалла аҳли бундан хурсанд бўлди, албатта.

Рустам Мамасолиев туман ҳокимлиги кўмаги билан ўтган йили маҳаллада ўз сармояси ҳисобидан 60 ўринли, 2 қаватли, хусусий болалар боғчасини қуриб, фойдаланишга топширди.

Рустам Мамасолиев ҳамюртларимизни Ўзбекистон Қуролли кучлари ва Ватан ҳимоячилари кuni билан қизгин табриклайди!



Оиланинг соғлом бўлиши жамият аъзоларининг Ватан манфаати, миллат тақдири олдидаги муқаддас бурчидир!

Оилага эътибор — ўзлгимизга эътибордир. Оилани сақлаб қолмасак, биз ўзлгимизни йўқотамиз.

Шавкат МИРЗИЁЕВ,
Ўзбекистон Республикаси Президенти

ОИЛА МУСТАҲКАМЛИГИНИ ТАЪМИНЛАШГА БАРЧА МАСЪУЛ

Бугун Ўзбекистонда олиб борилаётган жамияти ислохотлардан кўзланган асосий мақсад — мамлакатимизда яшаётган ҳар бир инсоннинг бахтли яшашини таъминлашдан иборатдир.

Оилаларнинг, айниқса, ёш оилалар бахтли яшашини учун қулай шарт-шароит яратиш, хусусан, уларни уй-жой билан таъминлаш, турли ижтимоий ёрдам ва имтиёзлар бериш орқали қўллаб-қувватлаш мақсадида амалга оширилаётган ишлар ўта муҳим бўлиб, келгусида ўз ижобий натижасини бериши шубҳасиз.

Аммо таъкидлаш кераки, инсоннинг бахтли яшаш фақат моддий таъминот билангина ўлчанмайди. Ҳаётий мисоллар, таҳлилларга суяниб айтиладиган бўлса, бахтли яшашнинг яна бир энг муҳим омил — маънавият, ахлоқ масаласидир.

Зеро, адиб Тоҳир Малик қайд этганидек, «... бахт тушунчасининг моддий томонидан кўра маънавий томони ортиқроқдир. Дарҳақиқат, оиласидан ажрашиб, фарзандлари меҳр-муҳаббатидан жудо бўлган бой одамни бахтли деб бўлмаганидек, кам-харжроқ бўлса-да оиласи, фарзандлари қўли, ўзаро меҳр-муҳаббатли оила аъзоларини бахтсиз, дея олмаймиз.

Айни пайтда турмушда дулла-дуруст ака-ука, ота-бола ёки эр-хотин ўртасида турли низоларнинг вужудга келаётганини кўриб, ҳайрон қолсан киши. Ҳатто, ўзаро низолашув натижасида бири иккинчисининг жонига қасд қилиш, бир сиқим пул эвазига ўз фарзандидан воз кечиб, гўдагини тирик етим қилиш ҳоллари ҳам одатга айланиб бормоқда. Буларнинг асл сабаби нимада, нега багирекенликда оламга ибрат бўлган халқимиз орасида бундайлар сонин кундан-кунга кўпайиб бормоқда?

Мулк илжинида "бой ўғил"нинг ўз отасини руҳий касаллар шифохонасига жойлаштирганини, шифохонадан чиққач, бир хонали уйда бошқа фарзанди (қизи)га кўрсатмасдан сақлаганига ёки бошқа бир "бой ўғил"нинг бир неча уйи бўла туриб, ўз онасини уйдан ҳайдаб юборганини қандай тушуниш лозим? Булар ақл бовар қилмайдиган ишлар, тўғрими? Аммо, минг афсуски, бу каби жирканч ҳо-дисаларга кам бўлса-да дуч келяпмиз.

Ёки ҳавас қилса, арзигудек турмуш ўртоғи, фарзандлари бўла туриб, уларни тарбиялаш, йўлга солиш, уйлантириш-узатиш каби фарҳали ташвишлар билан яшаш ўрнига, оиласини сабабсиз ташлаб, ўзи бошқасига уйланиб кетган отага, оиласига хиёнат қилиб, фарзандларини хору зорликка ташлаб, бошқа эрининг этагини тутиб кетаётган, "она" деган муътабар номга номуносиб аёлни ким деб аташ мумкин?

Нега оила аъзоси бўлган эр-хотин ёки фарзандлар ўз жонига қасд қилиш орқали ҳаётига яқун ясамоқда? Оилавий низоларнинг бу каби оқибатларига нималар сабаб бўлмоқда?

Ушбу саволларнинг биронтасига сабаб моддий томонда деб жавоб бера олмаймиз ва шунингдек, муаммони моддий жиҳатдан, яъни пул ва бойлик билан ҳал этиб ҳам бўлмаслиги барчага аён. Ахир Иккинчи жаҳон уруши йилларида, аҳоли оч-наҳор қолганида ҳам бу каби қабихликларга борилмаган эди-ку! Буларнинг бари омма орасида кенг тарқалиб бораётган маънавий инқирознинг оқибатларидир.



Такор бўлса-да, таъкидлаш лозим. Муаммо бой ўғилнинг маънавий қашшоқлиги, яъни унинг ўз вақтида олмаган меҳри ва тарбиясидаги бўшлиқда, ажрашаётган ота-онанинг масъулиятсизлигида, бир сўз билан айтганда, бош масала шахс маънавияти ва ахлоқи билан боғлиқ эканлигидадир.

Ҳеч кимга сир эмас, жамиятда маълум бир масалада ўзгаришга эришишда жамоатчиликнинг фикри, муносабати ва саъй-ҳаракати жуда муҳим омил ҳисобланади. Оилаларда маънавий муҳитни яхшилаш, ота-оналар масъулияти ва оиладаги муносабатлар масаласига, айниқса, муаммони, нотинч оилалар билан ишлашга хотин-қизлар кўмиталари, «Оила» илмий-амалий тадқиқот маркази, маҳалла фаоллари, нурунийлар ҳамда ёшлар ташкилоти вакиллари — кенг жамоатчилик томонидан алоҳида эътибор қаратилиши лозим.

Тўғри, бу бирдан ҳал бўлиб қоладиган масалалар эмас.

Шунинг учун фикримизча, биринчидан, мустаҳкам, рисоладагидек оилалар вужудга келиши масаласига доимий эътибор қаратиш, лозим бўлса, вақтинча, аҳоли орасида ушбу масалада қатъий тўхтама қелинганга қадар хотин-қизлар кўмиталари, «Оила» илмий-амалий тадқиқот маркази ҳамда маҳалла фаоллари ва бошқалар томонидан жиддий жамоат назорати ўрнатилиши керак.

Бунда асосий эътиборни мактаб ва Олий ўқув юртлирида ёшлар маънавиятини шакллантириш ҳамда уларни оилага тайёрлаш масаласига қаратиб, айни пайтда бу борада олиб борилаётган ишлар, дарсларни таҳлилий ўрганиб, уларни тақомиллаштириш борасида тегишли чоралар қўриш керак.

Шунингдек, масалан, ФХДЁларда оила қуриш истагида мурожаат қилган ёшлар билан ишлаш тартибини йўлга қўйиш, керак бўлса, бунинг учун ФХДЁ масъулиятини ошириш, уларга қўшимча ваколатлар бериш,

дин идоралари вакиллари иштирокида ёшларга амалдаги оила қончилиги талаблари билан биргаликда, шариат қоидалари, хусусан, эр-хотинлик, эр-хотиннинг бурчи, хотиннинг эрдаги ҳаққи, эрининг хотиндаги ҳаққи, уларнинг бўлажак фарзандлари олдидаги бурчи масалаларини батафсил тушунтириш, турмуш қўрмоқчи бўлган ёшлар бу масалада бирор тўхтама келгандан сўнг уларнинг никоҳ тўйларига оқ йўл тилаш ва бу борада дуч келиниши мумкин бўлган барча қийинчиликларга ҳамжиҳатлик билан барҳам бериш лозим. Чунки оила ҳамон жамиятнинг бир бўлаги экан, унинг соғлом бўлиши ҳам жамият аъзоларининг Ватан манфаати, миллат тақдири олдидаги муқаддас бурчига айланиши керак!

Иккинчидан, омма орасида одоб-ахлоқ, нафс тарбияси, яхшилик ва ёмонлик, гуноҳ ва савобнинг сифатлари ҳамда инсон ва унинг масъулияти, борасида тегишли мутахассислар, адиблар, олим ва файласуфлар, имом-хатиблар иштирокида кенг қамровли ва тизимли ҳамда таъсирчан тарбиявий иш олиб бориш лозим қўрилади ва бунда оммавий ахборот воситалари, интернет сайтлари имкониятларидан кенг фойдаланиш керак.

Тинч ва аҳил яшаб, фарзандларини яхши тарбиялаб, умргузаронлик қилиб келаётган ота-оналар, уларнинг ҳаёт йўли ҳамда бошқалар бахти учун холис ёрдам қўлини чўзаётган инсонлар тўғрисида маълумотлар бериб борилиши ҳам жамоатчилик, айниқса, ёшлар маънавияти ва ахлоқида ижобий таъсир этувчи муҳим омил бўлиши мумкин.

Шунинг учун бугун оммавий ахборот воситалари, интернет сайтлари орқали жамоатчилик содир этилаётган оилавий низо ва жиноятлардан хабардор қилиб борилаётганлиги каби, оилалардаги ижобий ҳолатларни ҳам ёритиб бориш лозим қўрилади. Зеро, ўқувчи, хусусан, ёшларнинг масалага муносабатини шакллантиришда биргина салбий ҳолатларни кўрсатиш эмас, балки ўрнатилган ҳолатларни ҳам улар ҳукмига ҳавола

қилиш мақсадга мувофиқдир. Бунда асосий эътиборни оила мустаҳкамлиги нимага олиб келиши, шунингдек, ажралишлар оқибати инсон ҳаётига қандай таъсир этишини аниқ мисолларда, масалан, ажрашган оила аъзолари, ота-она ва фарзандларнинг жиноят кўчасига кириб кетганлиги каби ҳолатларни кўрсатиш лозим ва бу яхши самара бериши табиий.

Нотинч, ажрашиб яшаётган оила аъзолари, уларнинг ота-оналари билан Олий суд ва Хотин-қизлар кўмитаси томонидан очиқ мулоқот ўтказилиб, аёллар ва ерча етмаган болалар жазо ўташ муассасасидан олганин видеоплаҳларни намойиш этиш, улардан айримларининг тақдирини баён қилиб, ажралиш оиладаги барча муаммолар бошланғич эканлигини тушунтириш орқали республика бўйича минлаб оилаларни тиклашга муваффақ бўлингани бунинг исботидир.

Қачонки оила аъзолари ўзаро тотув ва иноқ бўлса, улар ўртасидаги муносабатлар азалий кадриятларимизга асосланган бўлса, у оила бахтли бўлади ва жамият таянчига айланади. Бахтсиз, нотинч-носолғом оила жамият учун муаммолар манбаидир.

Муқаддас ҳадисда "Мўминлар бир-бирларини севшида ва бир-бирларига марҳамат кўрсатишда бир тан — бир жонга ўхшайдилар. Таннинг бир аъзоси хасталанган пайтда бошқа аъзолар уни даволашга ҳаракат қилади", деб таъкидланади.

Оила бахти — жамият бахти, оила муаммоси — жамият аъзолари, яъни сиз ва бизнинг муаммомиздир!

Агарда ҳар қандай оила муаммосига "бу менинг муаммом эмас, менга нима" қаблдида эмас, аксинча, "бу бизнинг муаммомиз" деб қарасак, бирини ака, бошқа бирини ука, опасинглим десак, зарур маънавий кўмак берсак, оиладаги фарзандларни ўз фарзандимиз қаторида кўрсак ва кимгадир моддий ва кимгадир маънавий кўмак қўлимизни чўзсак, адашганга тўғри йўлни кўрсатсак ёки далда берсак, натижа ўта ижобий бўлиши, юқорида қайд этилган, бугун оммавий ахборот воситаларида бот-бот ёритилаётган оилавий низолар, бир-бирини уриб жароҳатлаш, жонига қасд қилиш ҳолатлари, қолаверса, бутун жамиятда ҳуқуқбузарлик ва жиноятлар кескин камайишига олиб келиши шубҳасиз.

Шунингдек, адиб Тоҳир Малик: "Зимман-гиздаги инсоний вазифаларни адо этиш — бахтнинг ўзи сизни излаб топади. Инсоний вазифаларни адо этиш учун эса кучли ирода талаб этилади. Ҳа, бизнинг бахтимиз ўз ҳаётимизни ирода қилувчи ўз иродамизга боғлиқ. Шу боис бахтиёр бўлишни истаган кимса иродасини тарбия қилиши шарт" деб ўқидирганидек, ҳар қандай инсон ўз иродасини тарбия қилиши жамиятимиздаги салбий ҳолатларга барҳам бериб, нафақат ўзининг, балки бутун жамият аъзоларининг бахтли бўлишига олиб келади. Ана шундангина жамият аъзоларининг бахту саодати йўлида давлатимиз томонидан олиб борилаётган улкан ишларга ҳамоҳанг иш олиб борган, жамият олдидаги бурчимизни мукамал бажарган бўламиз.

Холмўмин ЁДГОРОВ,
Олий суд раиси ўринбосари.

БИЛАСИЗМИ?

СОҒЛИҚНИ САҚЛАШ ВАЗИРЛИГИ
тизимидagi айрим хизматлар аутсорсингга
ўтказилади



"Ўзбекистон Республикаси Соғлиқни сақлаш вазирлиги тузилмасидаги ташкилотларда аутсорсинг хизматлари кўрсатиш тартиби тўғрисидаги низомни тасдиқлаш ҳақида" Ҳуқумат қарори (16-сон, 10.01.2020 й.) қабул қилинди.

Қарорга мувофиқ, ССВ тузилмасидаги ташкилотларда қуйидаги хизматлар аутсорсингга ўтказилади:

- Нотиббий хизмат турлари:
 - мижозларни овқат билан таъминлаш;
 - кир ювиш хизмати;
 - бино ва иншоотларни сақлаб туриш, шунингдек, уларни муҳандислик-техник тизимларига хизмат кўрсатиш ва таъмирлаш.

Тиббий хизмат турлари:

- тиббий буюмларни зарарсизлантириш.

Маъмур рўйхатда келтирилмаган хизматлар аутсорсингга давлат тиббиёт ташкилотининг ташаббуси асосида ССВ билан келишилган ҳолда ўтказилади.

Қарор билан тасдиқланган низомга кўра, аутсорсинг хизматларига (мижозни овқат билан таъминлаш хизматидан ташқари) ҳақ тўлаш миқдорлари ССВ тузилмасидаги ташкилотлар томонидан тегишли хизмат таннархига аутсорсернинг ҳаражатларини қоплаш мақсадида 20 фоизгача устама ҳақ ҳисобга олинган ҳолда белгиланади.

ЙЎЛОВЧИ ТАШИШ ПОЕЗДЛАРИДА қанча юк олиб юриш мумкин?



Шаҳарлараро қатновчи йўловчи ташиш поездлари тамбурларида қисмларга ажратилмаган биттадан ортиқ бўлмаган велосипедни ташишга рухсат этилади.

Йўловчига қўли юки белгиланган меъёрдан (36 кг) ортиқча қуйидагиларни ташишга рухсат этилади:

- портфель;
- аёллар сумкачаси;
- дурбин;
- чанги ва унга таёқчалар;
- қармоқлар;
- фотоаппарат;
- соябон;
- уч ўлчамига кўра 100 см дан ошмайдиган бошқа кичик буюмлар.

ИСТЕЪМОЛЧИНИНГ ҲУҚУҚЛАРИ БУЗИЛСА...

Истеъмолчининг ҳуқуқлари бузилиши туфайли унга етказилган маънавий зарар учун уни етказган шахс, башарти у айбдор бўлса, ҳақ тўлаш лозим. Маънавий зарар учун тўланадиган ҳақ миқдорини суд белгилайди.

Маънавий зарар учун ҳақ тўлаш мулкий зиён ва истеъмолчи кўрган зарарнинг ўрни қопланишидан қатъи назар, амалга оширилади.

ҚУЙДАГИЛАР

ХОДИМНИНГ АСОСИЙ МЕҲНАТ ҲУҚУҚЛАРИ
ҲИСОБЛАНАДИ

— ўз меҳнати учун Меҳнатга ҳақ тўлаш ягона тариф севкасининг биринчи разряди бўйича белгиланганидан оз бўлмаган миқдорда ҳақ олиш;



— мuddатлари чегараси белгиланган иш вақтини ўрнатилган, бир қатор касблар ва ишлар учун иш кунини қисқартириш, ҳар ҳафталик дам олиш кунлари, байрам кунлари, шунингдек, ҳақ тўланадиган йиллик таътиллар бериш орқали таъминланадиган дам олиш;

— хавфсизлик ва гигиена талабларига жавоб берадиган шароитларда меҳнат қилиш;

— касбга тайёрлаш, қайта тайёрлаш ва малакасини ошириш;

— иш билан боғлиқ ҳолда соғлиғига ёки мол-мулкига етказилган зарарнинг ўрнини қоплаш;

— касба уюшмаларига ҳамда ходимлар ва меҳнат жамоаларининг манфаатларини ифода этувчи бошқа ташкилотларга бирлашиш;

— қариганда, меҳнат қобилиятини йўқотганда, боқувчисидан маҳрум бўлганда ва қонунда назарда тутилган бошқа ҳолларда ижтимоий таъминот олиш;

— ўзининг меҳнат ҳуқуқларини ҳимоя қилиш, шу жумладан, суд орқали ҳимоя қилиш ва малакали юридик ёрдам олиш;

— жамоаларга доир меҳнат низоларида ўз манфаатларини қувватлаш.

Адли вазирлигининг телеграмдаги
"Huqqiyl axborot" канали.

Шаҳоб Мирбобоев раҳбарлик қилаётган Ургут туманидаги

«МИКРОМЕТАЛЛ» МЧЖ

жамоаси

1917 йил ташкил этилган бўлиб, халқ истеъмоли моллари ишлаб чиқаради. Ҳозирги пайтда бу ерда 10 иш ўрни яратилган бўлиб, Туркиядан келтирилган замонавий дастгоҳлар ўрнатилган. Жамила Абдурахмонова, Ғофур Болтаев, Илхом Рустамов сингари ишчиларимиз тиш чўткаси, паста, памперс, скотч каби истеъмол моллари ишлаб чиқариш ре-

жасини ошири билан бажаришараяпти. — Ҳозир лойиҳа қиймати 2 миллион АҚШ долларини ташкил этадиган инвестиция лойиҳаси устида ишляпмиз, — дейди Шаҳоб Мирбобоев. — Ана шу цехимиз ишга тушгач, яна 25 иш ўрни яратилади.




«МИКРОМЕТАЛЛ» МЧЖ жамоаси барча
юртдошларимизни Ўзбекистон Қуролли
кучлари ва Ватан ҳимоячилари кунин билан
табриклайди. 2020 йил ҳаммамиз учун барака
ва ютуқлар йили бўлсин!

4,7 mingdan ortiq tashqi iqtisodiy faoliyat ishtirokchilari «Ягона дарча» божхона ахборот тизимидан фойдаланмоқда.

ЭКСПОРТ-ИМПОРТ ОПЕРАЦИЯЛАРИ

амалиёти янада соддалаштирилди



МАТБУОТ АНЖУМАНИ

Ўзбекистон Республикаси Президенти Администрацияси ҳузуридаги Ахборот ва оммавий коммуникациялар агентлигида Давлат божхона қўмитаси томонидан «Мамлакатда бизнес муҳитини янада яхшилаш ва тадбиркорликни қўллаб-қувватлаш тизимини такомиллаштириш чора-тадбирлари тўғрисида»ги қарор асосида жорий қилинган «Ягона дарча» божхона ахборот тизими ва ундан қутилаётган натижалар мавзuida матбуот анжумани ўтказилди.

Тадбирда бугунги кунда мамлакатимизда ташқи иқтисодий фаолиятни либераллаштириш, экспорт салоҳиятини кучайтириш, инвестициявий жозибadorликни ошириш ва божхона маъмуриятчилигини такомиллаштириш борасида изчил чора-тадбирлар амалга ошириладигани таъкидланди.

— Ушбу қарорга асосан 2020 йилнинг 1 февралдан экспорт-импорт операцияларини амалга оширишда талаб этиладиган рухсат этиш хусусиятига эга ҳужжатлар ва сертификатларни «Ягона дарча» божхона ахборот тизими орқали расмийлаштириш назарда тутилган бўлиб, амалда 2020 йилнинг 1 январидан эътиборан мазкур тизим — www.singlewindow.uz манзилида ишга туширилди. — дейди Давлат божхона қўмитаси раиси ўринбосари Бахтиёр Раҳимов. — Яна шунини қўшимча қилиш мумкин, «Ягона дарча» божхона ахборот тизимига божхона қўмитаси, «Ўз-стандарт» агентлиги, Соғлиқни сақлаш вазирлиги, Ветеринария ва чорвачиликни ривожлантириш давлат қўмитаси, Экология ва атроф-муҳитни муҳофазаси қилиш давлат қўмитаси, «Ўздавқарантин» инспекцияси каби ваколатли органларнинг автоматлаштирилган ахборот тизимлари муҳассамлашган.

Бундан ташқари, сўнгги йилларда мамлакатимизда тадбиркорлик фаолиятини амалга оширишни энгиллаштириш ва рағбатлантириш мақсадида соҳага

оид қатор тартиботлар танқидий қайта кўриб чиқилиб, эскирган, замон талабига жавоб бермайдиган бюрократик тўсиқ ва говлар бекор қилинди. Қўрилган чоралар натижасида республикада ишбилармонлик муҳити яхшиланди, тадбиркорлик субъектлари ва хусусий инвесторлар учун кенг имкониятлар яратилди. Бундай ижобий ўзгаришлар нуфузли халқаро ташкилотлар томонидан ҳам кенг эътироф этилмоқда. Хусусан, Жаҳон банки ва Халқаро молия корпорацияси томонидан эълон қилинган «Бизнес юриштиш — 2020» ҳисоботида Ўзбекистон 69-ўринни эгаллаб, ислохотлар миқёси ва самарадорлиги бўйича дунёнинг энг яхши 20 ислохотчи давлати қаторидан жой олди.

Шу билан бирга, тадбиркорлар ва инвесторлар билан учрашувларда маълум бўлишича жойлардаги ижрочилар соҳада амалга оширилаётган ислохотларнинг мазмун-моҳиятидан тўлиқ хабардор эмас. Қабул қилинган норматив-ҳуқуқий ҳужжатларнинг амалиётга жорий этилиши сезиларли даражада ортда қолмоқда. Айрим лицензия ва рухсатномаларни расмийлаштиришда ортиқча бюрократик тўсиқлар мавжуд.

Хусусан, фитосанитария, санитар-эпидемиологик, ветеринария, экологик назорат органлари ва сертификатлаш органлари фаолиятини урганиш натижалари уларнинг Ўзбекистон Республикаси Давлат чегараси орқали

ўтувчи товарлар ва транспорт воситаларига нисбатан назорат функцияларини амалга ошириш самарадорлиги ва тезкорлигини ошириш, шу жумладан идоралараро электрон ҳамкорликни жадал жорий қилиш орқали такомиллаштириш заруратини юзага келтирди. Шу мақсадда 2019 йил 23 апрелда Президентимизнинг «Ташқи иқтисодий фаолиятни амалга оширишда маъмурий тартиб-таомилларни янада такомиллаштириш чора-тадбирлари тўғрисида»ги қарори қабул қилинди.

Ушбу қарор билан 2021 йил 1 январга қадар БМТнинг Савдо тартиб-таомилларини соддалаштириш ва электрон иш амалиётлари бўйича маркази томонидан ишлаб чиқилган «ягона дарча» механизмини яратиш бўйича тавсиялар ва йўл-йўриқ тамойиллари мезонларига жавоб берадиган «Ягона дарча» божхона ахборот тизимини жорий этиш белгиланганди.

Шу боис, ўтган қисқа муддат давомида мазкур йўналишдаги ишлар жадал суратларда олиб борилди-ки, 2019 йилнинг якунига келиб, мазкур ахборот тизими ишлаб чиқилди ва синов тарзида ишга туширилди.

Яъни, «Ягона дарча» божхона ахборот тизими ташқи иқтисодий фаолият субъектларига қуйидаги имкониятларни яратди:

- импорт, экспорт ва транзитга тааллуқли барча тартибга солиш талабларини бажариш мақсадида стандартлаштирилган маълумотлар ва ҳужжатлар ягона ўтказиш каналдан фойдаланган ҳолда тақдим этилади;
- ахборот алмашинувнинг махфийлиги ва хавфсизлигини таъминловчи норматив-ҳуқуқий база билан мустаҳкамланган ҳолда, ташқи савдо битимларига доир барча ахборотларни алмашиш имконияти юзага келади;
- давлат божхона хизмати, ваколатли органлар, шунингдек, тадбиркорлик субъектлари томонидан рухсат этувчи ҳужжатларни расмийлаштиришнинг бошқичларини масофадан кузатиш мумкин бўлади;

барча учун очик бўлган электрон шаклдаги рухсат этувчи ҳужжатлар реестрларини юритишга тўлиқ ўтилади;

Ўзбекистон Республикаси ва хорижий мамлакатлардаги эпизоотик, карантин ва фитосанитария ҳолатлари тўғрисидаги очик маълумотларни энг сўнгги кўрсаткичлар ҳолатида ушлаб турилади;

дастлабки маълумотлар асосида товарлар Ўзбекистон Республикаси ҳудудига амалда етиб келишига қадар рухсат берувчи характерга эга ҳужжатларни бериш йўлга қўйилди.

Содда қилиб айтганда, «Ягона дарча» божхона ахборот тизимини энди тадбиркорларимиз ўз идораларидан чиқмасдан туриб, интернетдаги www.singlewindow.uz манзилида жойлашган «Ягона дарча» божхона ахборот тизими орқали электрон рақамли имзодан фойдаланган ҳолда экспорт-импорт операцияларини амалга оширишда талаб этиладиган рухсат этиш хусусиятига эга ҳужжатлар ва сертификатларни олиш учун ариза юборишса, бўлди. Аризасига жавобан берилган ҳужжатлар ва сертификатлар мазкур портал орқали бир вақтнинг ўзида ҳам тадбиркорга, ҳам божхона органларига божхона расмийлаштируви учун тақдим этилади.

Шунингдек, тадбиркорлар портал орқали рухсатнома ва сертификатларнинг ҳақиқийлигини текшириш, ҳужжатларнинг шакллари, божхона тарифлари ва режимлари, экспорт ва импорт кўрсаткичларига доир фойдала маълумотларни ҳам олишлари мумкин.

Порталдаги хавфларни таҳлил қилиш тизими эса тадбиркорларга товарлар импорти ва экспортига доир фаолиятини тўғри режалаштиришга имкон беради. «Ягона дарча» божхона ахборот тизими билан эндиликда божхона тартиботлари янада энгил, шаффоф ва тезкор амалга ошади.

Энг муҳими, буларнинг бари мамлакатимизда бизнес юритиш муҳитини янада яхшилаш, тадбиркорликка кенг эркинлик бериш борасида бошланган ислохотларни давом эттириш ҳамда қабул қилинган қонун ҳужжатларининг жойларда тўғри татбиқ этилишини таъминлашга хизмат қилади. Ҳозирда 4,7 мингдан ортиқ ташқи иқтисодий фаолият иштирокчилари «Ягона дарча» божхона ахборот тизимидан фойдаланмоқда.

Шунингдек, анжуман сўнггида журналистлар ўзларини қизиқтирган саволларга ҳам атрафлича жавоб олишди.

Тоштемир ХУДОЙҚУЛОВ,
«Ўзбекистон овози» мухбири.

СИЗ НИМА ДЕЙСИЗ, ТЕНГДОШЛАР?

ЎРИНСИЗ БАҲС...

Мақтабнинг 6-синфда ўқийдиган қизини китоб ўқишга ўргатишни мақсад қилган ота, ўйлаб-ўйлаб ажойиб фикрга келди. Соврин қўйиш керак! Қизини ёнига чақиради ва агар, мана шу китобни ўқиб чиқсанг, сенга 10 доллар берман дебди. Табиийки, қиз бундан жуда хурсанд бўлади. Бироқ, китоб ўқишга сира тоқати йўқ эди. У ҳам ўйлаб-ўйлаб бир қарорга келади: китобнинг қисқача таърифини интернетдан олиб ўқиб оламан, деган фикрга келади.

Келишилганидек, бир ҳафтадан сўнг отаси китобнинг мазмунини сўрайди. Қизгина китоб ҳақида ёдлаб олган чиройли таърифни айтиб бериб ва ваъда қилинган «мукофот»ни сўради.

Ота:
— Қизим, афсуски, китобни ўқимабсан, акс ҳолда варақлар орасидаги пулни кўрган бўлардинг, — дейди хафа бўлиб.

Ушбу ҳикоя қўлимга қалам олишига ундади. Ўзининг бор хазинасини бизга илинаётган қадрдон дўстларимиз — китобларни бугун бир четга суриб, телефон, компьютер ўйинларига берилиб кетмяпмизми?

Тўғри, кутубхоналар ҳамisha билимга ташна ёшлар билан гавжум. Бу ерда қўллаб тенгдошларимиз ўз билимларини мустаҳкамлайди. Дунё илми, жаҳон адабиёти дурдоналаридан баҳраманд бўлишади.

Дарслардан сўнг мен ана шу илм ўчоғига шошиланман. Аммо кутубхонага бир марта бўлсин қадам босмаган талабалар ҳам бор. Яқинда бундан ҳам кўнгилсиз воқеанинг гувоҳи бўлдим. Уйимиз ёнидаги соябон остида бир гуруҳ ўсмирлар давра қуриб турганига кўзим тушди. Улар ўриндиқларга жойлашиб, нимадир ҳақида баҳслашарди. Бу ҳол менга қизиқ туолди. Қадамимни секинлатдим. Ҳўш, бу ерда нима бўлапти ўзи? Афсус, уларнинг даврасига яқинлашсамда, баҳс нима устида кетаётганини аниқлай олмадим. Қизиқимим орти... Во ажаб, улар карта ўйнаётган экан... Қаранг, айни китоб ўқиши, билим олиши керак пайтда улар нима иш билан шуғулланишарми? Уларнинг ота-онаси болалари нима иш билан машғулликни билишмайдими? Балки, бир кун келиб афсус қилмасликларни учун ҳам уларнинг ота-оналари ҳам фарзандларини карта ўйнашдан китоб ўқишга жалб қилиш ҳақида ўйлаб кўришарми?!

Нафосат ОЛМОСОВА,
ЎзЖОКУ талабаси.

РЕКЛАМА ЎРИДА



Йўл қуриш, созлаш, азал-азалдан энг олижаноб иш, савобли амаллардан ҳисобланади. Кундалик ҳаётимизда йўлларнинг ўрни ва аҳамияти катта. Чунки мамлакатимиз иқтисодий юксалтириш, хусусан, юртимизда етиштирилган маҳсулотларни хорижга экспорт қилиш, қўшни давлатлар билан транспорт воситалари қатновини йўлга қўйиш мақсадида йўл логистикасини замон талаблари даражасида такомиллаштириш даврнинг ўта долзарб масалаларидан биридир.



Бу борада Тошкент вилоятининг Паркент туманида қандай ишлар амалга ошириляпти, соҳани ривожлантиришга қаратилган қарор ва талаблар қай даражада бажарилляпти?

Шу ва бошқа масалаларда туманда бу ишлар учун масъул бўлган мутасаддиларга мурожаат қилдик.

— Йўл бугунги глобал дунёда нафақат иқтисодий, ижтимоий, маданий, шу билан бирга, стратегик аҳамиятга молик восита сифатида намоён бўлмоқда, — дейди Паркент тумани йўллардан фойдаланиш унитар корхонаси директори Фурқат Аҳмадхонов. — Шунини алоҳида таъкидлаш лозимки, йўллар энг аввало, текис ва раволиги, хавфсизлиги билан одамларнинг оғирини энгил, масофаларни яқин қилишга хизмат қилмоғи керак. Фаолиятимиз давомида ана шу мезондан келиб чиқиб, туманимиз ҳудудидан ўтувчи йўлларни сифатли қуриш, таъмирлаш ва фойдаланишга алоҳида эътибор қаратиб келяпмиз. Корхонамиз туманимиздаги 209 км. умумфойдаланишдаги автомобиль йўлларига хизмат кўрсатади. Шундан 78 километри давлат, 131 километри эса маҳал-

ПАРКЕНТ ЙЎЛЛАРИДА

лий аҳамиятга эга. Янада аниқроқ йўлдан этсак, унинг 176 километри асфальт-бетон, 29 км. қора, 3 км. шағал, 1 километри эса тупроқ қопламаларидир. Бизнесинг асосий мақсадимиз — автомобиль йўлларининг ҳолатидан келиб чиқиб, унинг қатнов қисмини талаб даражасида яхшилаш, автомобиллар ҳаракатини тўхтовсиз ташкил этиш, йўл ҳаракати хавфсизлигини таъминлаш ва юртдошларимизнинг ҳақли эътирозларига сабаб бўлаётган камчиликларни бартараф этиш. Бунинг учун биринчи навбатда йўлнинг қатнов қисмини яхшилаб, қопламани ҳар хил чиқиндилардан тозалаш, қиш мавсумидан кейин пайдо бўлган чуқурларни ямаш, темир-бетон тўсиқларни янгилаш, ободонлаштириш, эскирган йўл белгиларини янгисига алмаштириш каби қатор ишларни амалга ошириб келяпмиз. Биламизки, кейинги йилларда иқтисодий-тимизнинг жадал ривожланиши туфайли автомобиль йўлларига бўлган эҳтиёж тобора ортмоқда. Бу эса бизга янада масъулият юклайди. Кези келганда айтиш жоизки, жорий ва тўла таъмирлаш ишларида йўллар атрофини ободонлаштириш ва кўкалмзорлаштиришга ҳам катта эътибор беряпмиз.

— Йўлларнинг таъмирталаблиги кўзга тез ташланади. Шунинг учун ҳам бу билан боғлиқ шикоятлар, мурожаатлар кўп. Умумий кузатишларимизга асосланиб, айтадиган бўлсак, соҳада аҳолининг эътирозларидан келиб чиқиб, ишни ташкил этишга қанчалик аҳамият берилмоқда?

— Фаолиятимиз давомида аҳолининг талаб ва таклифларини ҳам доимий равишда эътиборга олиб борамиз. Тан олиб айтиш керак, кейинги вақтларда айниқса, ички йўллар жуда таъмирталаб бўлиб қолган эди. Охириг уч йил давомида айни шу масалага ҳам устувор вазибаларидан бири сифатида эътибор қаратилмоқда. Бу

эса ўз натижасини бермоқда. Биргина «Обод қишлоқ» давлат дастури доирасида ички автомобиль йўлларини қуриш ва таъмирлаш бўйича қилинган ишлар халқимиз турмуш шароитини яхшилашга бўлган эътиборининг ёрқин намунаси. Умуман олганда, туманимиздаги автомобиль йўллари кўз кўрсатқичи бўлиб қолган даражада раволиб бормоқда. Бу улкан ҳажмдаги қурилиш ишлари, халқаро андозага жавоб берадиган,

талабга мос жиҳозланган автомобиль йўллари мамлакатимизнинг қудратли иқтисодий салоҳиятидан ва бардавом тараққиётидан дарак беради. Бугун Паркентга келган ҳар қандай сайёҳ ҳам тумандаги улкан ўзгаришларга, шу жумладан, йўлсозлик бўйича катта муваффақиятларга эришилаётганига гувоҳ бўлади.

Ойгул РАЗЗОҚОВА
сўхбатлашди.

“Мамлакатимиз иқтисодий юксалтириш, хусусан, юртимизда етиштирилган маҳсулотларни хорижга экспорт қилиш, қўшни давлатлар билан транспорт воситалари қатновини йўлга қўйиш мақсадида йўл логистикасини замон талаблари даражасида такомиллаштириш даврнинг ўта долзарб масалаларидан биридир.”



Орол денгизи тубида янги ҳаёт бошланди.

Мен Оролни севаман, бу менинг Ватаним



Орол денгизининг узунлиги 426 км, эни 284 км, энг чуқур жойи эса 68 метрни ташкил этган. Денгиз 68,9 минг кв. км майдонга ястанган бўлиб, 1083 куб. км сув сигимига эга бўлган. Утган асрнинг 60 йилларигача денгиздан йилга 60 минг тонна балик овланган. Албатта, буларнинг ҳаммаси эндиликда тарихда қолди. Бугунги кунги Орол денгизи ва унинг атрофидаги ҳаёт эса бутунлай бошқача кийфага кирган.

Бир пайтлар денгиз тўлқинларида баравж сузган кемалар аста-секин қум бағирлай бошлаган. Ҳозир уларнинг қолдиқларини кўриб, гўё бу ерлар кемалар қабристоними, дейсиз. Атроф чанг-тузон, гоҳ-гоҳ денгиз тузи ва қуми осмон баробар кўтарилиб, эндиликда биз тарифлаётган қатор экологик муаммони келтириб чиқармоқда.

Аммо матонати кучли халқ ёруғ кунларга ишониб, умид билан яшаб келмоқда. Ва ниҳоят улар орзу қилган кунлар ҳам етиб келди. Бунинг ўзи кўзи билан кўришни истаган бир гуруҳ ёшларнинг куйидаги таассуротларидан ҳам билишимиз мумкин.

— Биз сафаримиз давомда саксувул ва бошқа ўсимликларнинг уруғларини йиғиш ва уларни экиш жараёнини билан яқиндан танишдик, — дейди «Ниҳол» мукофоти совриндори Саламат Аяпов. — Орол ва Орол фожияси оқибатларига барҳам бериш йўлида сидқидилдан меҳнат қилаётган ватандошларимизнинг жасоратини ўз кўзимиз билан кўриб, Орол тақдирига бефарқ бўлмаган ҳақиқий фидойи инсонлар ёнида туриб меҳнат қилгимиз келди. Орол тақдирини биз, келажак ёшларнинг ҳам тақдирини, деб биламиз.



БУ АЖИБ ДУНЁ

Бир-бирига икки томчи сувдай ўхшаш эгизакларни кўрганда ҳар қандай киши ҳайратга тушиши табиий. Баъзан уларни бир-биридан фарқлаш жуда қийин бўлади. Лекин уларни ота-онаси жуда осон ажратиб олишади. Маълумотларга қараганда, янги туғилган чақалоқларнинг атиги икки фоизини эгизаклар, уч нафар эгизаклар туғилиши 1,5 фоизни ташкил этар экан. Урта ҳисобда ҳар 8,5 минг туғруқча бир эгизак, ҳар 6-8 минг туғруқча бир йўла уч эгизак туғри келиши кузатилган. Тўрт-беш ва ундан зиёд эгизаклар жуда кам учрайди.

ЭГИЗАКЛАР ҲАҚИДА НИМАЛАРНИ БИЛАСИЗ?

Тиббиётда эгизаклар икки турга ажратилади. Дизиготали (бир-бирига ўхшаш ёки икки хинсли) эгизаклар урулган икки туҳумдан ривожланади. Улар ўзича ривожланади, эмбрионда жойлашуви ҳам алоҳида бўлади. Қон гуруҳлари бир хил ёки ҳар хил кузатилади. Шунингдек, монозиготали (бир-бирига жуда ўхшаш) эгизаклар бир туҳум ҳужайра ва бир уруғ бириктиридан юзага келади. Кузатувлар шуни кўрсатадики, монозиготали эгизаклар дизиготалиларга қараганда беш маротаба камроқ туғилади.

Ультратовуш диагностика аппаратлар ёрдамида эса 3-5 ҳафтада аниқласа бўлади. Ҳомиласи эгизак, деб топилган аёллар бошқа аёлларга қараганда кўпроқ гинеколог назоратида бўлади. Улар 27-29 ҳафталик бўлганда, профилактик даволашнига ўтказилади.

Тиббиётда эгизакларни ўргандиган махсус фан мавжуд бўлиб, у "гемелология" деб аталади. Манбаларда кайд этилишича, янги туғилган гўдакларнинг 90 ҳолатига битта эгизак туғри келаркан. Учта эгизак 8100 тага, тўртта ва ундан зиёди 5-6 миллионга туғри келаркан. Энг қизиги, Нигерияда туғилган 22 гўдакнинг биттаси эгизаклар бўлиши табиий ҳол ҳисобланади. Жанубий Африкада яшовчи герора қабиласида мабодо эгизак туғилганидан бўлса, ўша кун байрамдай нишонланади.

Қадим замонларда дунёга келган эгизаклар шох саройига олиб келиниб, тарбияланган. Уларни яратганнинг инъоми деб ҳисобланган ва таллим-тарбиясига алоҳида эътибор қаратилган.

Амира АМИРҚУЛОВА, ЎзЖОКУ талабаси.

Адлия вазирлигида компьютерлар ўчирилмоқда. Нега?

Меҳнат қончилиги, хусусан, иш режими юзасидан меъёрлар йиллар давомидаги чуқур илмий ва амалий тадқиқотлар асосида инсон ҳаёти ва имкониятларидан келиб чиқиб шаклланиб келган. Қолаверса, меҳнат қончилиги соҳасида юқори стандартларнинг амал қилиши бирдек миллионлаб ишчи ва меҳнатчиларнинг ҳаётига таъсир қилади.

Шундай бўлса-да, кўпга мамлакатларда, жумладан, хусусий ташкилотларда узоқ иш режимларида ишлаш муаммоси мавжуд. Ҳаммага маълум, Япония, Жанубий Корея, МДХ давлатлари ва бошқаларда шу каби муаммолар инсонлар ҳаётига салбий таъсир қилаётгани юзасидан кўпга маълумотлар ва изланишлар бор. Ўзбекистонда ҳам иш вақти муаммоси мавжудлиги сир эмас, албатта.

Кузатишларга кўра, ортиқча ишлаш қисқа муддатли режалар учун қандайдир хизмат қилса ҳам, юқори натижалари самарали меҳнат ва сермазмун ҳаёт фаолиятини йўлга қўйиш йўлида, шунингдек, катта стратегик мақсадлар учун салбий таъсир кўрсатади. Хусусан:

- ходимларнинг меҳнат унумдорлиги пасайишига;
- иш вақтининг нотўғри режалаштирилишига;
- энергия ресурсларнинг ортиқча сарф бўлишига;
- ходимнинг оилавий муаммоларга дуч келишига ва ижтимоий кўникмаларига салбий таъсир қилишига олиб келади.

Шу сабабли юқоридаги жиҳатларни инобатга олиб, хорж тажрибасини ўрганган ҳолда, Адлия вазирлиги меҳнат унумдорлигини ошириш мақсадида комплекс чора-тадбирлар дастурини ишлаб чиқди.



Ушбу дастурнинг битта тадбири сифатида ходимларни кун мобайнида ўз фаолиятини тўғри режалаштириш юзасидан тушунтиришлар берилиб, тайм менежментини янги замонавий моделларидан фойдаланиш илгари сурилмоқда.

Ходимлар иш вақти тугагандан кейин ўз фаолиятини тугатиш талаб этилмоқда. Энг кескин чора сифатида эса принципаил ёндашуви асосида иш кунини охирида барча ходимларнинг хизмат компьютерлари автоматик равишда тармоқдан узиб қўйилиши тартиби ҳам киритилди. Мазкур ҳолатда ходим ўз-ўзидан ишнинг тугатишига тўғри келади.

Бундан ташқари, яқшанба кунини ходимларни ишга чиқиши тақиқланган. Бу талабнинг бажарилиши қатъий назорат қилинмоқда. Яъни, ходим кўрсатмага амал қилмасдан ишга келса ҳам у бинога киритилмайди. Мазкур чоралар натижасида

ходимлар иш вақтидан унумли фойдаланишига ҳамда меҳнат жараёнини оптимал режалаштиришига мажбур бўлишмоқда ва бу ўз мевасини бермоқда. Ўз вақтида оиласи бағрига қайтган, етарлича дам олиб, позитив энергияга эга бўлган ходимларнинг меҳнат самарадорлиги ортиб бормоқда.

Ҳозирда вазирликда кадрлар билан ишлашининг замонавий КРП тизими асосида иш ташкил этилиб, ҳар бир ходимнинг меҳнат самарадорлиги индивидуал равишда баҳолаб борилмоқда. Бу ҳам ўз навбатида иш жараёнига ижобий таъсир кўрсатмоқда.

Мақсад самарали, замонавий ва бехато ишлаш тизимига ўтишдан иборат.

Адлия вазирлиги жамоатчилиги билан алоқалар бўлими.

ҲАМКАСБЛАР ҲАҚИДА

Журналистлар даврасида гоҳида матбуотимизда танқидий мақолалар, айниқса, фельетонлар камайиб кетди, дея ёзириб қолганимизда беихтиёр кўз ўнгимда тўғрисиўз журналист Холбой Қосимов фаолияти жонланади.

КАМЁБ ЖАНРДА ҚАЛАМ СУРИБ...



Қирқ йиллар бундан (ҳозирги ЎзМУ журналистика факультетида ўқиб юрган кезларидаёқ унинг туркум материаллари — қизиқарли лаҳза ва очерклар турли нашрларда чоп этилиб, тилга тушиб қолган эди. Утган даврда Холбой даврининг таниқли ижодкорларидан соҳанинг сир-асрорларини ўрганди, қалами чархланиб борди. Публицистика назарийчиси, профессор Очил Тоғоев ўша кезларида босилган мақолаларидан бирида "Холбой Қосимов сўнгги йилларда суд очерки жанрида қалам тебратаётган, ўз устида кунт ва сабот билан илганайтган иқтидорли журналистларимиздан биридир. Унинг суд очерклари бевосита суд материаллари асосида тайёрланганлиги, жиноятчилар, жабрланувчиларнинг ички кечинмалари, руҳий ҳолатлари қолаверса, қотиллик содир бўлган жараёнларни реал воқелик ҳамда ҳаётий реаликлар ила ёритганлиги таҳсинга лойиқдир деб ўйлайман", дея ёзган эди. Дарҳақиқат, Холбойнинг "Қабоҳат", "Тунда узилган ўқ", "Болалар зор қақшамасин", "Қора курсида бош эгманг", "Қилмиш қидирмиш", "Сўнги пушаймон", "Шаҳар бедарвоза эмас", "Азага айланган тўй" каби публицистик мақола, фельетонлари мантқиқий муҳокама, образли тафаккур ва вобасталикда битилганлиги тўғрисида жамоатчилик эътиборига тўғри келди, бир неча талловларда ғолиб топилиб, дипломлар билан тақдирланди. "Пул ва қон", "Грин кард" талвасаси китобларидан қатор фельетонлар ўрин олган. Холбой Қосимов ҳозир ҳам Республика Олий суди халқ маслаҳатчиси сифатида Булунгур, Жомбой, Бахмал туманларида кўрилатган суд ишларида иштирок этиб келаётганлиги, ўз вақтида Олий суд коллегияси тарихида бир ойдан ортиқ муддат қатнашиб, "Пахта иши" билан судланган жомбойлик 30 га яқин кишини озод этишга бош қўшганлиги, муҳбир, маънавият тарбияotchиси, жамоатчи сифатидаги фаолияти ижобий ишларига мўл материал берди ва бермоқда.

Холбой Қосимовнинг инкор этиш орқали тасдиқлайдиган мақолаларидан ташқари, бевосита, яъни тасдиқлаш орқали тасдиқлайдиган ижобий руҳдаги материаллари жуда кўп. "Юксалиш сари дудил қадим", "Булунгурнинг ойдин йўли", "Эзгу ишдан из қолди" мақолалари шулар жумласидан.

Яқинда Булунгурда ўтган Холбой Қосимов ижодий кечасида унинг мухлислари, Самарқанд, Тошкент шаҳридан келган ёзувчи, журналистлар иқтидорли журналист дўстимизнинг мақола, фельетонлари, жонқуярлиги ҳақида илқ фикрлар айтишди.

Мамлакатимиз юксалиш йўлида давомли қадам қўяётган ҳозирги масъулиятли даврда тараққиётимизга ғов бўлаётган иллатлар ҳақида далилли ва дудил қалам тебратаётган Холбой Қосимовга ўхшаш жасоратли ижодкорларнинг ўрни катта.

Сайди УМИРОВ, Ўзбекистон Республикасида хизмат кўрсатган ёшлар мураббийси.

Ўзбекистон Халқ демократик партияси Марказий Кенгаши ва Хоразм вилоят кенгаши партия фидойиси

Ендербай РАЖАБОВнинг вафоти муносабати билан марҳумнинг оила аъзолари ва яқинларига чуқур ҳамдардик билдиради.

OZBEKISTON OVOZI

MUASSIS:

Bosh muharrir: Safar OSTONOV

TAHRIR HAY'ATI:

Ulug'bek INOYATOV

Qalandar ABDURAHMONOV

Hayotxon ORTIQBOYEVA

Ulug'bek VAFOYEV

Gulliston ANNAQILICHEVA

Farrux HAMROYEV

Mahmud TOIR

Mustafihiddin MUHIDDINOV

(Bosh muharrir birinchi o'rinbosari)

Shuhrat JALILOV

Qabulxon — (71)233-65-45

Xatlar va murojaatlar uchun — (71)233-12-56

Reklama va e'lonlar uchun — (71)233-47-80, (71)233-38-55

E-mail: info@uzbekistonovozi.uz

MANZILIMIZ:

100000, Toshkent, Matbuotchilar ko'chasi, 32-uy.

Gazeta O'zbekiston Matbuot va axborot agentligida 0006-raqam bilan 2007-yil 11-yanvarda ro'yxatga olingan.

«Sharq» nashriyot-matbaa aksiyadorlik kompaniyasi boshmaxonasida chop etiladi. Korxonaning manzili: Buyuk Turon ko'chasi, 41-uy. Gazeta ofset usulida, A-2 formatida bosiladi. Hajmi — 4 bosma taboq.

Gazeta haftaning seshanba kuni chiqadi.

«O'zbekiston ovozi» materiallarini ko'chirib bosish faqat tahririyat ruxsati bilan amalga oshiriladi.

Г — 151. 2013 nusxada bosildi.

Nashr ko'rsatkichi — 220.

t — Tijorat materiallari

O'zA yakuni — 01:00.

Topshirilgan vaqti — 02:45.

Sotuvda kelishilgan narxda

Navbatchi: Bardambek SA'DULLAYEV Sahifalovchi-dasturchi: Zafar BAKIROV



1 2 3 4 5 6